

-----2025

Pastara katka wina
Wis katka kat

Sabat Baibil Lisinka
Wahma an almuk klaska



3

Gaspel Sturka

Jan Ulsbanka

Vol. 101, № 3
Pastara katka wina Wis katka kat, 2025

BILARA BA

"Gaspel sturka Jan ulbanka 3"

wahia

1. Jisas, Saiman an Mery	5
2. Pura lalura baku dimiwanba	10
3. Jisas ra yawan kaikaia wantsa	15
4. Jisas, wark dadaukra	20
5. Raiakaia, kasakba an yabalba	26
6. Spirit Holikira pramiska	31
7. Jisas, wain kiuka kasakba	36
8. Wan muihni latwanka	41
9. Spirit Holikira warkkaba	46
10. Spirit lainkara upla blainba	52
11. Disaipil helpkara Jisas aipura sunan 1	57
12. Disaipil helpkara Jisas aipura sunan 2	62
13. Saiman Pita	67

Sabbath Baibil Lisinka, yu bani stadi takaia dukiara paskan sa, Baibil dfa aisi ba kat an Prapit aisinka sin Kau baha purara upla lukanka nani prakras. Text ka naniba prahni aisisa kuhku pali lukan ka lalba kat.

Pyuwa nani walara kau lukan ka ba kler sakaia dukiara buk wala nani ra aisikaikbia wisa. Man nûbas kau Baibil stadi munras kainara puram sunra daukaia sma ba, ba apia kaka man tanka brima apia.

Illustrations: RF 123 on front and back covers, p. 25; Map Resources on pp. 4, 46, back cover.

(USPS 005-118), Vol. 101, No. 3, Pastara katka wina Wis katka kat 2025. Ulbi sakisa kati yumhpa bani Adventist Serts ka kli raya takaia Asla takan ka ba mita, ai afiska tara nina ba makisa General Conference, Sabat Skulka Baike sakanka wina.

Copyright © 2025

Ulban ba rait kaba Reformation Herald PubWisshing Association, 5240 HolWisns Road, Roanoke, Virginia 24019-5048, U.S.A. Periodical postagepaid at Roanoke, Virginia 24022-9993.

● U.S.A. AND CANADA

Contact: Telephone 1-540-366-9400 * Fax 1-540-366-2814 * Website: www.sdarm.org * Email: info@sdarm.org

POSTMASTER, please send address changes to: *Sabbath Bible Lessons*, P.O. Box 132, River stone NSW 2765, Australia.

Ninam: _____

Prias watla: _____

Klas numbika: _____

TA BILA

Yawan kau taura auya bara Gaspel sturka lisinka Apastel lJan ulbanka bukkaba wina, yawan nanara las yua nanira iwisa Jisas warktara daukiba naha tasbara. Prapit ulbanka naniba wanwisa, “Aitanisa yu banira wan sinska lukra naniba Jisas raiaka sturkaba stadi takan kaia. Jisas daukanka kumi baniba stadi takaiasa. bara wan sinska lukraba yaka bahara takaskaia, kau las takan dukia nanibara lukaia. Jisas warktara wan helpkara daukan nanibara lukisa pyuara, wan kasakka lukan lakaba kau kau pawankabia, wan latwanka lakaba mita wan tuktan kabia, an Jisas mawan ingnikaba wan raiakara iwan kabia. Swak takan nani kumi bani lantakankaiasa bawan lakaba Jisas dauki wanmarikanba baku dusprignira.”—The Desire of Ages, p. 83...

Apastel Jan ai gaspelka sturkara ulbansa Jisas ba rait aihwa heven wina blikan Mesaia kum baku. Dawan sinska laka, aikupia laka kat daukaia dukiara Jisas ra tasbara blikan balan uplatakan yabal kum kwakan swakisakan laka wankaia dukiara. Jan aisisa Jisas mita naha tasbara diarasutba paskan wan nakrani kaiki an kaikras dukia nanibasut, witin lika raiakaiaba Dawanka, ingnibasin an Dawan Aisa kupia laka kat daukaia balan. Dawan brindaukiba lika yawan uplasut wankupia lakbia 2 Pita 3:9 saurka laka albikawina pritakbia an Spirit Holikira mihtara aimakbia.

Apastel Jan gaspel sturka ulbanba lika upla manas Jisas ra kasak lukisa sakuna witin palira lika kaikraskan bara bamita ban lukan satwala nanisin waihl sauraba mita sinskaraa bribal dinkisa. Mesaia rait aihwabawal kakaira takbia wantsa. Jan gaspelka sturkabak Dawan mita ridiwandaukisa laspyuara trabil ailal kristian nani purara balaiaba dukiara. Kristian nani taura lapta an karna warktakanba mahka maiara iwiki (Param marikan 2:4) kristian ailal ai nakra tasba dukia kukanka nanira kaikikan (1 Jan 2:15). Diarawalaba lika setan mita smalkanka wahra bribal dinkikan, uplara wikan Jisasba upla pali yawan baku apiakan, ao kaikras kaka upla taliakan sakuna spirit kum bamankan. Upla sip Dawanra kaikras kakn sipsa pruaia. Baha mita Jan 1:14 ulbanba lika nitpalikan baha pyua nanira. Trabil walaba lika Roman gabamintka mita kristian nanira rausauhki nina blikikan.

Jan gaspelka sturka bukkaba taura kristianka nani nitpalikan tabaikanka an maihsanihkanka briaia. Baha nani baman lika apia sakuna kristian nanisut naiwa yawan palikatsin.

Spirit Holikira mita tambri banhbia membars kumi bani an smasmalkra nanisin baku.

Sabat Skul warkka dadaukra afiska lalka wina

Pas sabat kaliksanka

Arue tawanka Tahití kuntrikara
Priaswatla makaia

Arue tawanka lika kî madakra kumrasa
Pulinisia Prancesa, kabuka biarara prancia
kuntrikara barasa kî madakra ailal palisa 121
barasa sutbara asla daukbiasa kaka lika 3418
kilumita brisa kabu muta tanira pacipik tanira.

Nahara iwi uplika nani lika Dawan ailalra kasak

lukisa aidul sertskaba ailal palisa. Yû ra mayunisa, setan spiritka nanirasin an witin nani uplawina pi banhwisa. 1797 mankara inglis kuntrikawina kristian misaniry daknika kum baliakawan, tingki wisa Dawan ra baha nanira blikan taka upla ailal chenstaki banhwan kata. Baha ninkara prens nani bal kî ailal witin nani aidukia baku brihiakawan. Naiwa kat lika upla nani nahra iwiba sutbara narasa 279.000 upla, bawina 54% kiatalik mapara daknika, 38% ba kiatalik daknika. Bawina wala naniba kasak lukanka satwala brihiakawisa.

Adventist kli raya takan daknika balan 1982 mankara Pulinisia prancisra ra muihni kum nina A.C. taura lika 24 upla brikan, mani ailal warktaki aulabara nawaskat dakni sirpi ailal brisa, Dawan warkkaba takaskras pawu kau aitura auyasa. Nawaskat nahara priaswatla apu wan muihni nani asla taki banhwisa upla watlara apia yarka bilara. An upla wala watla aibapira sin prias daukisa. Dawan ra tingni wisa 2013 mankara Arue tawankara tasba pistarakum sakan baha lika 20 kilumita baku brisa Papeete wina Tahiti ra waia yabalka bilara.

Nahara wan membarska nani wark sat sat daukisa lahla apahkaia prias watla makaia, sakuna nawaskat aitani apiasa. Bamita man nani mihtam kum yawan makabisa naha sabat kaliksankara dia mankmaba kupiam pahkira kli tawi Dawan mita blisin ailal pali maikan kabia an Dawan warkkaba kau tukbi taura brihwan kabiasa.

Wan muihni an wan lakrika nani tasba aiskara bara banhwismaba kumi banira mamkabi banhwisna Spirit Holikira mita kupiamra kanbia pyuara mihtam sakbi dia sipsmaba presantkam mankram kabia naha sabatkara.

Baibilra ulbansa 1 Kronika 22:19 bara bil kanbia: «Bui banhks, Dawan ra mayunra daukaia watla makaia». An Dawan warkkaba yaka pawan kaia tasba aiskara.



Man muihkam an lamkra nani Pulinisia Prancesa wina

**JISAS, SAIMAN AN MERY**

"Jisas naku aisan: 'Yangsika raiakaia bredka; ya yangra balbiaba, plunpin daukbia apia; an ya yangra kasak lukbiaba, li diran daukbia apia.' Jan 6:35.

"Jisas wina yawan pisa kasak luki wan raiakara Jisas iwisa pyuara".—
The SDA Bible Commentary [E. G. White Comments], vol. 5, p. 1135.

Kau aisikaikaia: *Thoughts From the Mount of Blessing, pp. 18–21.*

Sandi**Li kati 29**

Baibil aisikaikaia ba: Rut 1-4

1. JISAS RA KING MANKAIA WANTKAN

- a. Jisas mita tukin tara daukiwal upla ailalra plun dakakan ninkara uplika nani dia daukaia wantkan? *Jan 6:14,15.*

"Yu aiskara upla naniba kau an kau Jisasra kasak lukikan. Bara las tukin tara daukiwal upla kwara tarara plun dadakan kau kasak lukan. Tawan uplika bilakaikanka tara brikan Jisasra. Ban aisi naku wikan naha waiknika sika Judea aiskara blisin bribalbia tawan bilara yaka liaubia nasma an bip tialka layawal. Wan nitka naniba sut wankbia. Rom taibanka lakawina priwan sakbia. Juda an Jerusalemra prisakbia. Soldyar nani war ra latwan bribia taim sipkabia rakaia. Soldyar dakni tara aiskara plun yabia. Israel ba nesan karnakum takbia.

"Upla kwara taraba uba liliakan bara minitkara mahka Jisasra King mankaia wantkan. sakuna kaikan Jisas brindaukraskan witinra kulkanka tara yabia. Jisas daukankaba satwalakan pris an parisi naniwal prakbiasa kaka, an David trunkara iwaia brindaukraskan. Uplika nani aitolakat aimanka aisi banhwan taibi muni Jisasra king man kaia. Disaipil nanisin naha lukankara tabaikikan yaka Jisasra David trunkara iwaia. Jisas brindaukras kan tasbara king aimai. "Upla naniba aiprika sasakrara purara bukbia ki, pris an parisi nanira taibi muni yabiaki kulkanka Jisasra yabaia, witinka hevenwina blikanba. – " *The Desire of Ages, pp. 377, 378.*



2. UPLA KWARA KUPIA DASKAN

a. Jisas dia daukan upla kwara nani mita witinra king mankbia apia dukiara? *Jan 6:15.*

"Disaipil nani wihki upla kwaratara aikuki asla rididaukikan Jisas ra King mankaia; sakuna Jisas kaikikan dia daukaia traikaikiba, sakuna sipa piaba an baha taka dia takbiaba. Parisi an pris nani aikuki asla plikikan tnatka nahki muni Jisasra alkaia. Karna muni an warkum daukiwal Jisas ra trunra mankaia luki banhwikan. Jisas mita aidisaipilka nanira adar yaban durira aimaki bailawalara lubia Capernaum tawankara, bara witin mita upla nanira tankira aisi mahka wabia.

"Disaipil nani apia lukikan Jisas adarkaba bilawali daukaia. Witin nani brindaukikan pyu wihkawina upla nani asla taki lukanka kumi baku bribia Jisas ra King mankaia. Want apiakan upla kwara tara lukanka naniba ban bahkira takasbia. Ensal luan yua lilika daukaia dukiara wisi upla kwaratara aipaswankan an uba liliakan Jisas ra kaikaia prapit raiakum baku. Jisas nina blablikra nani sut lukikan naha awarkanara aitanisa David trunkara yaka Jisasra iwaia. Baha mita disaipil nani karna aidarawalan witin nani durira aimaki Capernaumra luwiwaiaba. Jisas mapara aisan; sakuna Jisas karna aisi wisata aibila wali daukbia dukiara." — *The Desire of Ages*, p. 378.

b. Jisas mita tukin tara dauki upla ailalra plun dakakan ninkara yuawala uplika nani dia daukan? *Jan 6:22–25*

"Jisas tukin tara daukiwal upla kwarara plun dadakanba sturka lika istipali plapi tawan, kau titan palirakan upla ailal aslatakan Betsaida tawankara Jisasra kaikaia. Manas lika tasbak wapi balan wala nani lika kabuk durira balan kata. Kau ban upla wala nani aiwatlara wisi kli bal tawan nani sip luraskan duri apuba taka.

"Genezaret ra Jisas balan pyuara upla ailal siknis naniba bribalan rakbia dukiara. Manas sip waprass nanikanba slilmikara twilki bribalan kata Jisas barakanba pliskara." — *The Desire of Ages*, p. 383, 384.



3 DAWAN HELPKAWAL KAIKANKA KAU BITAR

- a. Dia sturka rait an lalkat Jisas mita upla kwara tarara wisata? Jan 6:26, 27.

"Upla nani diawantkanba kat Jisas daukraskan. Sariwal naku aisan: 'aipliki banhwisma tukin kaikramba dukiara apia sakuna plun pih biamra banhwanba dukiara'. Upla ailal Jisasra plikikan ai brinka wala naniba briaia dukiara. Jisas aisi naku wisata: 'wark taks plun luwiwaikiraba dukiara lika apia, sakuna raia bankaiaraba dukiara. Tasba dukia pyu kunhku briaiaaba dukiara wark takaiaba sinslaka apiasa. Wan spiritka pata dukiara lika aitanisa warktakaia Dawan bila holikirabawal aibanhwaia an bahara wan sinska an karnika aiska mankaia". — *The Desire of Ages*, p. 384.

- b. Jû nani mita Jisasra dia makabi walan Dawan warkka dukiara? Jan 6:29.

"Minit kumra upla nani sin ypankum wina baku rawi buan bara naku aisan: 'Dia dauki banhwamna Dawan aisanka bilakat walaia dukiara?' Witin nani wark karna ailal dauki banhwikan Dawan mita yamni kaikbia dukiara wisi, bara brin daukikan Jisas bilawina walaia dia kau daukaia barasa sapa Dawan kupia laka daukaia. Witin nani aimakabi walankawal wiaia wantkan: Dia dauki banhwamna heven suliaraka takaia? Raia bankaia lakaba briaia dukiara dia praiska aibapaiaba nitsa?

"Jisas mita ansamuni naku wisata: Dawan warkkaba lika witin mita blikan uplikara kasak lukbia.' Hevenra waia praiskaba lika Jisas. Witin sika yabalba, witinra kasak lukaia Gad sipka lupia baku tasba saurka brih sakiba.' Jan 1:29:". — *Ibid.*, pág. 385.

"Wankupia laki wanwina brinka swisisi Jisasra balaia, wan kupiara yaka iwaia, bara wark yamni nani sut yawan daukbiaba lika witinra mayunra yaban kaia.". — *Thoughts From the Mount of Blessing*, p. 87.

"Dawan Spiritka mita wan sinska kwakbia bara wantanka bribia nahki wan watla bilara, priaswatlara an wan tawankara aiwarkka daukaia ba tanka." — *Testimonies for the Church*, vol. 8, p. 18.



4. HEVEN BREDKA

- a. Dia sainka jû nani mita Jisasra makaban? *Jan 6:30,31*. Jisas dia aisan heven bredka dukiara? *Jan 6:32, 33*

"Jû nani mita Moses ra kulkanka tara yabikan twi biarara bred yaban pikanba dukiara, sakuna aiauya tiki banhwan Dawan mita ai albika waikna Moses ra yusmunikanba. Jû nani aisika Moses maparakan an kasak lukraskan Dawan albika kum baku. Nanara, sin spiritka luhpia nani mita Dawan sturka kwakwahkra mapara buan. Jisas aisi naku wisata: Kasak, kasak maiwisna: Moses mita heven bredka maikraskan. Aisikam nanira mana yabanba man nani tilamra buisa. Jisas pali sika twi lawanku Israel luhpia nani tabrikanba an yu banira heven bredka dakakikanba. Baha bredka lika sampla kum bakusa rait aihwa heven bredkaba wal, upla solka nanira dasna dauki an karnikasin yabiba."— *The Desire of Ages*, pp. 385, 386.

- b. Tasba patara baman luki Jû nani mita Jisasra dia makaban? Jisas tawi dia wisata? *Jan 6:34–36*.

"Prakanka kumwal Jisas aisanba Jû nani kakairakan. Moses ku, Spirit Holikira mita yaban naku ulban: 'bredwina baman uplaba raiakabia apia, sakuna Dawan aisanka naniba mita lika'. Prapit Jirimaya naku ulban: 'Bilam holikiraba sakri bara piri; an baha mita lilia tara kupira bahkan' *Klismalkanka 8:3; Jirimaya 15:16*. Jû smasmalkrika nani aitolakat aisanka kum brikan, bred piaia tankaba spiritra iwaia Dawan Lâ ka stadi takaia an wark yamni nani daukaia, bakusin uplara smalkikan Mesaia balbia pyuara uplasutra plun dadakbia. Prapit nani aisankanba aimakan kata Jisas mita upla kwara tarara plun dadakanbawal. Jisas mita naha lisinka smalkikan priaswatlara upla aipaswan kan nanira. Dawan bilaba aitanka brihiakawikan satkata tanka briaiakan Jisas aisi naku wisata: 'Yang sika raiakaia bredka'. Nahwala baku Jisas mita upla kwara tarara plun dakakan baha bredka dukiara aisanba. 'baha bredka pinbawal aikarnika brihiakawanba baku Jisas mita ya witinra kasak lukbiaba nanira raiakaia bredka an bankaia raiakasin yabaia pramis munansa."— *The Desire of Ages*, pp. 386.



5. KLI BUWAIA AN RAIK BANKAIA LAKA

- a. Jisas wal aslatakan kumi banira dia pramiska wal yabansa? Jan 6:37–40.

"Kasak luki Jisas nina blikan nanira wisata, raia bankaia laka bribia. Kumisin tiubia apia.". — *The Desire of Ages*, p. 387.

"Setan mita maiwibara walpara. Man upla saurakira bara Jisasra balpara bitar takmakat sipkama Dawan plikaia. Baku lukisma kaka raiakam aiskara sipapia kama balaia. Saurkam nani dukiara setan kupiamra bribali pyuara Jisas pramiskara luks. Ya yangra balbiaba ban swimna apia. Jan 6:37. Setanra wis Jisas talia mita sikbi klin maidaukan. David aipura sunanba baku dauks: 'supwal sikbi klin aidauks, bara klin takamna; taskiki nanisutba wina aikrika mukus pinhka baku takamna.' *Lawana nani* 51:7.

"Minamra bus an Dawanra bal. Kau wihkawina pat maikaikbia. Kupiam lakikira balmasa kaka, witin mita kiaubi mai alki ai latwankara yamni balanka maikbia. Ai kiamaba wilinkirasa puram sunrara walaia. Minamra buaia traikaikma wina pat witin nutakan kabia. Spirit Holikiraba wankupiara warktakis, wankan wandara walisa wan trabilka taraba, taski lakara iwiba an bahawina pritakaia nitka briba, bara karnika wankisa wanminara buwaia an Jisasra plikaia padin laka an raia bankaia laka wankbia dukiara.". — *Christ's Object Lessons*, pp. 205, 206.

- b. Jû nani brukwikan pyuara dia pramiska dukiara Jisas kli aisan witinra kasak luki nanira? Jan 6:41–51.



MAKABANKA LUAN NANI BA LAKI KAIKS

1. Kwara tarara plun dadakan ninkara witin nani dia daukaia wantkan?
2. Jisas nina blikikan uplika naniba dia pali aisinskara brikan?
3. Jan 6:29 ra Jisas aisanba dukiara man aisan?
4. Spirit raiaka laia karma dukiara Jisas diawal praki marikan?
5. Jû ta uplika nani nahki kler takan Jisas maparakanba tanka?



PURA LALURA BAKU DIMIWANBA

"WANKUPIARA BRIAIA: "Saian luhpia mairinra wis: kaiks man Kingkamba dimi aulasa bawikira pali biriku kum purara ulisa." (Matyu 21:5).

"Jisas balan Jerusalem luhpia nani swaki sakaia dukiara; bansakuna parisi nani uba tara papulra nani takamita sip diawantkanba aiskasut daukraskan ."— The Desire of Ages, p. 577....

Kau aisikaikaia: *The Desire of Ages*, pp. 569–579..

Sandi

Pastara kati 6



Baibil aisikaikaia ba: 1 Samuel 19-21

1. OLIVIT ILKARA

- a. Jisas an aidisaipilka nani aikuki Jerusalem ra auyakan bara dia adarka yaban disaipil walra daukbia? Matyu 21:1–5.

"Jisas aisubitakan pyuara bip pata watla dawankara Josep an Mery wal mita biktakan pliskum yabia kan Mery biara buikan bamna. Kli nanara Jerusalem ra dimiwaiara beriku dawankara makaban ai daiura rial en munbia. Tasba an hevenwal paskan Dawanka karnakira, daiwan nanisutba witin aidukia, sakuna tasbara balan pyuara umpira baku balan kata."— *The Desire of Ages*, pp. 569, 570.

- b. Disaipil nani dia daukanba dukiara aisas. Matyu 21:6, 7.

"Disaipil nani mita kwalakum beriku nina dusara palkan bara Jisas ulan kata. Kau baha kainara Jisas wapi baman taukikan sakuna nanara wantkan beriku purara ulaia, disaipil nani sip aitanka brihiakauraskan sakuna ban naku luki banhwan, bankra nanara witin King aimakaia pyuaba balansa David trunkara iwaia an israelra prisakaia roman taibanka laka mina muhtawina. " — *The Desire of Ages*, p. 570.



2. MINITKUM LILIA

- a. Jisas Jerusalen ra aulawin walan pyuara upla kwara taraba dia dauki banhwan? Jan 12:12, 13.

"Disaipil nani mita Jisas beriku kumra uli Jerusalen ra dimi balaiba dukiara kasak luki nani kiama mankan, baha pyuara upla kwara tara aipaswan kan witin nanisin lukikan Jisasba nanara King aimakaisa."—*The Desire of Ages*, pp. 570

- b. Dia mita upla kwara taraba baha minitkara Jisas ra Mesaia baku kulkanka yaban? Zakariaas 9:9; Jan 12:14, 15.

"Jisas beriku kumra uli Jerusalen ra dimi balanba lika Jû nani daukanka tnatka kan. Jû nani king aimaisa pyuara berikura uli baldimikan tawanra, prapit ulbankarasin baku Mesaiaaba baldimbua dukiara aisankan. Jisas beriku purara uli iwan pyuara upla kwara taraba bin tara pali daukan kata Jisas ra kulkanka tara yaban Mesaia an King kum baku. Jisas mita upla nanira wiraskan takasbia ar baku aisabia apia dukiara. Disaipil nani kupiaba lilia tara takan kan, las Jisas King aimakuiaba dukiara"—*The Desire of Ages*, p. 570,

- c. Nahki upla kwaraba pritakan brinkawal David ulbanka aisibanhwikan? Matyu 21:9; Lawana nani 118:26.

"Upla kwaratara kupiaba lilia liliakan, witin nani lukikan nanara roman gabamintka taibanka lakawina yawan pritakbia an Jerusalen ra yawan selp wan Kingka bribia nesan tarakum baku, uplasutba sin sturka an sin lukanka brikan bara Jisas ra mayunra tara yabikan. Ao, kwala manakira gûl dukia nanisin apukan sakuna aikupia muhtawina kulkanka tarayabiwal mayunra yabikan. King baku presantka yabaia diara apukan, sakuna ai umpire kwalka naniwal Jisas dimi aulaba mawanra palkikan, an dus tnawa nani klaki bribal mawanra mankan kata. Bara upla kwara taraba takaskraskira aibila tarawal aisikan HOSANA, HOSANA King David luhpia nanara witin King aimakaisa pyuaba balansa, bara lilia wina kau lilia apukan upla kupiara."—*The Desire of Ages*, p. 570.



3. PRAPIT ULBANKA AIMAKAN

- a. Parisi nani kum kum dia dauki banhwan upla kwara tara mita Jisas ra mayunra yabikan pyuara? Jan 12:19; Luk 19:39.

"Upla kwara taraba tilara parisi nanisin barakan sakuna witin nani lika tuman an aikupia baikikan bara upla nanira praut laka an taibi munikira wisata baku aisikabia apaia, sakuna upla nani kumisin witin nanira walraskan, kau an kau aibila tarawal wini aisikan an mayunra taradaukikan Jisas ra Mesaia an King baku. Parisi nani sibrikan naha upla kwara tara palina mita Jisas ra King mankbia. Las witin nani upla tilak ban wapiwan Jisas barakanbakat an naku wisata: Smasmalkra yas upla kwara aisiba takasbia. Kan gabamint adarka apiasa naha sat daukankaba. — *The Desire of Ages*, p. 572.

- b. Jisas mita parisi nanira dia ansika yaban? Luk 19:40.

"Naha diara nani naku takaiaba lika Dawan kupia laka kat ulbankan pat kaina manas prapit nani aisankan, bara upla mita ar setan karnika sip alki takaskraskan. Bankra witin nani takaskan satkata walpa nani bila apuba bin tara daukaia karnika Dawan mita yaban kaiakan. — *Ibid.*, p. 572.

"Tasba wihtika an parisi nani mita yaban hevenwina balan ingnikaba daskaia traikaiki banhwan sakuna sip apiakan, upla umpira nani kwara taraba mita Jisas ra yamnika balan yaban kata Mesia an King baku. — *God's Amazing Grace*, p. 47.

"Dawan warkkaba upla sip alki takasbia apia nahkisat kabiasin ban aitura wankabia. — *The Story of Jesus*, p. 85.

- c. Nahki prapit ulbanka nani aimakan, upla kwara taraba nahki Jisas ra kasak lukikan Mesaia baku? Zechariah 9:9

"Parisi nani sip diara daukraskan bara mahka aininara tawiwana sakuna upla kwara taraba Sakaraias 9:9 aisi banhwikan. — *Ibid.*, págs. 572–575.



4. UPLASUT JISAS RA KAIKIKAN

- a. Diakan Jisas mita swin upla kwara taraba bintara daukiwal mayunra yabikan Jerusalen ra dimiwasata pyuara? Jan 12:16, 23–28.

"Upla kwara tara nahasat daukanba Jisas ra Mesaia an King baku uplasut mawanra marikanba lika nitkan daukaia ao bahasat daukankawal lika gabamint an parisi nani aikuki kau isti traikaikan Jisas ra ikaia. Jerusalen ra upla ailal tawan wala wina balankan baha pyuara Ensal luan lilika daukaia, bara Jisas wantkan marikaia witin Dawan sipka luhpia heven wina balanba dukiara. Uplara pri Sasakra baku, Jerusalen sut nutakaiakan Jisas ba Mesaia baku, baman sin apia sakuna tasba tnatakak kasak lalukra kumi bani aitanka bribia dukiara Jisas tasbara balanba dia kainara prapit nani aisankanba kat an awarkaba kat, baha mita sika Jisas upla kwarara plun dadakan pyuara witin want apiakan tasba kingka aimakaia, kan baha apiakan sika ai warkka daukaia naha tasbara balanba.

"Ao, upla ailal minitkara sip aitanka pain briraskan sakuna Jisas prui buan ninkara prapit ulbanka naniba pain stadi taki kaikan pyuara aitanka aiskasut kasak brin rait aihwa Jisas ba Mesaia kanba tanka. An naha uplika nani karna smalkan aiwalka nanirasin yaban nutakan gospel sturka yamniba, nahki prapit ulbanka nani aiska Mesaia dukiara aisikanba Jisas raiakara aimakanba dukiara". —*The Desire of Ages*, p. 571..

- b. Jerusalen ra kau dimiwaraskan kainara il lupia kumwina tawanba aiska kaikan pyuara Jisas dia daukan? Luk 19:41–44.
-

"Jerusalen ra mahka dimi aulakan pyuara Jisas aibila saki inan uba liliakan mita lika apia sakuna sari wihra tara aikupia twililikan, tankaba lika nahki naha tawanka painkira sauhkan kabiabara lukan pyuara Dawan klalka witin nani aipurara balan kabia baku Jisas ra kasak lukraskan taka mita.

"Jerusalen uplika nani mita Dawan latwankara bahki kulkan an Mesaia pali blikanra briraskan kauni misbara kaikan an saurakirakum baku dusprignira sabi ikan, baha taka witin aipurara Dawan mita klala blikan kabia waihla mihtara mankbia bara tuktan, wahma, an almuk sutra iki tikan kabia, awarka balbia pyuara. "—*Ibid.*, p. 576.



5. JERUSALEN RA DIMIBALAN

- a. Jisas mahka Jerusalem ra dimi balan pyuara parisi nani mita dia makabiwalan an witin nanira dia ansika Jisas yaban? Matyu 21:10, 11.

"Upla kwara taraba mahka Olivit ilkawina aimayara mahka Jerusalem ra baldimuiakan pyuara gabamint an parisi nani aikuki prawan bara witin nani mita makabi walan dia mita ban lilia tara briba dukiara: 'Ya naha' disaipil nani sibriras an Spirit Holikira mita sinslaka yaban prapit ulbanka nani Mesaia dukiara aisiba kler saki wisata."— *The Desire of Ages*, p. 578.

- b. Jisas, Jerusalem ra baldiman pyuara, tempel watlara dia daukan? Matyu 21:12–16; Lawana nani 8:2.

"Pat mani yumhpa luankan aima pasra Jisas bal Jerusalem tempelka watlawina pris an lahla chensmunikan nanira kanbi sakataba, baha pyuara pris nani wel aiswira taki banhwan sakuna diara kumisin karnika apukan aisaia an daukaia Jisas mapara, baha ninkara aitolakat aisi banhwikan nahki witi nani waikna kum skulsin dimras bila karni sia yaban kanba, witin nai want apiakan naha satka kli takbia. Sakuna nanara kau isti sibrinkira Jisas bilawali tempel watlawina plapi banhwan kata aidaiura nanisut brihkira.

"Parisi nani tempelwatlawina plapi banhwan taim kum kum lika takaskan bara upla kwara tara dimiwanba aikuki asla taki banhwan kata. Upla sikniskira nanira Jisas mita rakikan." *Ibid.*, pp. 591, 592.



MAKABANKA LUAN NANI BA LAKI KAIKS

1. Parisi nani daukankaba nahki naiwakat kau upla ailal daukisa?
2. Jisas ra King baku mayunra yabikan naniba dia sat uplikakan?
3. Jisas yang dukira dia muni inisa, Jerusalem dukiara inanba baku?
4. Prapit ulbanka nahki aimakan Zechariah 9:9 baha pyuara?
5. Diakan Jisas swin upla ailal witinra king baku mayunra yabikan?

**JISAS RA YAWAN KAIKAIA WANTSA**

"Jisas smalkankara pain kaikikan, kan aiaisankaba naniba karnakirakan". *Luk 4:32*.

"Jisas pruanika taka mita baman sipkan setan kingka lakara batakaia, upla saurka laka albika mina muhtara taibi brikanbawina swaki sakaia an Dawanra glorika yabaia." *The Desire of Ages*, p. 624.

Kau aisikaikaia: *Thoughts From the Mount of Blessing*, pp. 31–35.

Sandi**Pastara kati 13**

Baibil aisikaikaia ba: 2 Samuel 10-12

1. LALMA WINA MUNAKAT

- a. Jisas aisubitakan pyuara yâ nani pliki balan, dia bribalan? *Matyu 2:1, 2, 10, 11*.

- b. Jisas aiwarka tnatamankaia lamara yâ nani witinra pliki balan? *Jan 12:20*. Bahawina yawan dia lantakisa? *Matyu 8:11*

"Naha waiknika nani [Gred nisanka] witin nani balan muna saitwina Jisas ra kaikaia mahka aiwarkka prakaia bailara, sin lalmawina sinskira nani balan kataba baku Jisas aisuban pyuara. Jisas aisubitakan pyuara Jû tarkika nani lika selp aibisniskara bamankan aidarawalraskan Jisas aisubi takanba. Sinskira nani kuntriwalawina balankan aipresantka nani bribalan Jisas ra yabaia. Sin tnatkara naha Gredka nani balan kata nesan sat sat muna taniwina Jisas ra kaikaia. Baku tnatkara nesan sat sat Jisas dusaprigni minara bal bawan kabia....

"Upla manas ban sturi sat sat aisi banhwikan Jisas mita pris nanira tempelwatla wina kanbi sakanba, an nanara witin King aimakaiba David trunkara israel kingka baku. Naha Gredka nani brin daukikan nutakaia naha diara nanina raitsa sapa, bara wantkan Jisas pali bilawina walaia."— *The Desire of Ages* , pp. 621, 622.



2. UPLA BRIN DAUKIBA

- a. Grik nani nahki aisan dia wantkanba dukiara? Jan 12:21.
- b. Aisas, Grik nani makabankaba nahki Jisas nutakan, an witin nanira dia ansika yaban kata. Jan 12:22, 23.

"Jisas walan Gred nani witinra plikikanba, 'Jisas kaikaia baliakauri,' upla nani plunpin baku kasakka laka brindauki plikiba, Jisas mawan ingni takan, an naku aisan, 'Awarkaba balansa, upla luhpika waiknara mayunra yaban kaiaba.' Jisas kaikan aipruanka taka sol ailal witinra balan kabiaba."—*The Desire of Ages*, p. 621.

"Jisas ra naha makabanka bribalan pyuara witin tempel watla bilarakan, bahawina baltakan Gredka nani aikuki prawaia, ria lata tanira an witin nani aikuki aimawan param liliakira sturi aisan kata."—*Ibid.*, p. 622.

- c. Grik nanira Jisas mita latwan lakawal sturi aisanbawina yawan dia lantakaia nitsa? Luk 14:23; Smasmalkra 11:1, 2.

"Yawan traikaikaia gaspel sturka yamniba kau walras nani kiamara aisaia, manas barasa wilinkira walaia, ao wanmapara sin bara kabia. Tawan tara bilara Dawan ai uplika nani brisa witin nani wilinkira brindaukisa walaia. . . . Sturi yamni gaspel sturkaba kli kli aisibas swapraskira. Upla lahlakira nanira bakusin umpira insla mamankra nanira sin baku serts bilara an latarasin baku. Dawan Spiritka Holikiraba lalukra kumi banira karnika an sinslaka yabia sibiriras sturi yamniba smalkaia."—*Evangelism*, p. 394.

"Gospel sturka yamniba nitapiasa marikanka tarawal dauki aisaia. Tawan tara an sirpi yabal unra ani anipliskara wan walaia wilinsa kaka tnatka isiwal marikan kaiaa kiama bani wan wali nanira, upla skul diman ar dimras kabiasin sipkabia aitanka briaia . . . Jisas nahki warktakanba patran painkira kum bahawina yawan lantakan kaiaa. Wan smalkanka nanira patran baku mankan kaiaa Dawan paskan dukia nani nahki warktakiba. Serts baku nitapiasa upla sinska lakawal daukan dukia nanibara uba tniwikaia."—*Ibid.*, p. 396..



3. RAIKA YABAN PRUANBA MITA

- a. Dia prakanka Jisas daukan plawar mâ an witin pali aiwarkka tasbara daukaia balanba dukiara? Jan 12:24.

"Dus mâ tasbara bikanba mita pawî aimâ sakisa, an kli mankisa bara pawisa. Baku kau ai mâ ailal sakisa. Sin tnatkara Jisas pruanbaba dusprignira upla nanira bankaia raiaka yaban kabia. Jisa dusa prignira ya bani kaikiba ai mâ sakbia bankaiaira sin bankabia.

Plawar mâ ba tasbara kauhi pruras kaka witin sip pawî ai mâ sakras, yakan aikarnikawal sin diara kumi sipapiasa daukaia. Sakuna Jisas ra iwisa kaka lika sipkabia pawia an ai mâ ailal sakan kaia.. Naku prakanka daukisa Jisas pruanka taka nahki upla ailal swaki sakan laka bribiaba. Jisas sika plawar mâ tasbara kahwi pruanba bawina pawan an ai mâ ailal sakan. Naha tasbara nesan satka bani, kiamka bani, an twisa aisanka sat satba wina sut swaki sakan laka brin kabiasa Jisas talia mana."—*The Desire of Ages*, p. 623.

- b. Jisas dia parabelra aisi aimawalara wisata dus mâ wihki witin aiwarkka wal praki? Jan 12:25, 26.

"Jisas nina blablikra kumi bani lantakaiaba lika wan brinka almuk nanira pruaia baku lika sipkabia spirit mâ sakaia. Tasba uplika nani nitka tara briba dukiara wark takaiasa wan taimka mankaia an kukanka nanisin yabaia. Wanwinakat baman kaikiba swiaiaia. Wanwinara sakripais munisa kaka sipkabia bankaia raiaka briaia. Upla dawanka ai dusa mâ ba lulkisa diara bahkikan baku sakuna bahawina pawisa. Bakusa wan raiakaba yabaiaia raiakabia dukiara. Ya uplika airaia Jisas mihtara mankiba ban swibia apia. Baha raiakaba bankaiaira ban kabiasa.

"Uplakum selp aiwinakat baman lukiba lika dus mâ piba bakusa. Ao, pin sakuna luwiwan pawanka briras. Upla sipsa tasba kukanka ailal brikaia sakuna sutba luwi waikira witinra help kumisin apusa. Ya yakan aiwinakat dukiara baman lukiba witin selp aisawisa.

[Jan 12:26] Any uplika Jisas nina bliki witin sakripais tara daukanra kasak lukisa kaka Jisas wina patran painkira lantakan kabia, selp aiwinakat baman kaikras sakuna aiwalka helpkara warktobia. Baku tnatkara baman Jisas wal aililia brinkaia bankaiaira."—*Ibid.*, pp. 623, 624.



4. JISAS RA MAYUNRA YABAN

- a. Jisas nahki aipura sunan kata Dawan Aisara, dusprignira aipruankara luki? Jan 12:27, 28 (taura ba baman).

"Jisas din ba kapka lika tahpla palikan. Upla baku witin diaia want apiakan sakuna Dawan Aisa bilawalan, Uplasut mita witinra lulkan Dawan palisin aimawan saitra lakan, setan ai ensalka aikuki Jisas ra kutbi brin, baha minitka Jisas aidarawalan nahki Dawan saurkara misbara kaikiba tanka, Naha sat paniska tara Jisas wahwanba lika upla dia klalka briaiakanba witin brin kan wilinkira upla pliskaraa pruaia dukiara tasbara balankanba mita. Bamita ani uplika Jisas sakripaiska tanka brisuya taim kau witin ban saurka nina bliki kapras, ai raiaka aiska Jisas mihtara mankisa Spirit Holikira mita klin, wapni an kasak daukbia dukiara.

Jisas, witin Dawan Aisa kupia laka daukaia bilawalan,' Witin wissata, 'naha awarka dukiara balrisa. Aisa, Man ninamba mayunan kabia.'Jisas pruanaka taka mita baman sipkan setan kingka lakara krikaia. Uplara swaki sakaia an Dawan Aisara glorika yabaia. Jisas aotakan pruaia, Gad sipka lupia baku tasba saurka brih sakaia."—*The Desire of Ages*, p. 624.

- b. Jisas purasunankara hevenwina dia ansika brin? Jan 12:28 (las tani). Upla kwara tara barakanba dia aisan? Jan 12:29.

"Bila baikra hevenwina walan, ingnika kum baliwan klautkum baku, an Jisas ra kutbi brin, Dawan Aisa mihta baku. Pauta mitakum baku Jisasra kutban. Upla nani barakanba sibrin tarawal naha diarana kaikan. Uplakumisin sip diara aisaraskan. Aibila prakanba kat, aiwinka alki takaski brikan an ainakra naniba Jisas kat aman kaikikan. Dawan Aisa bahara aisan, ninkara klautka kataba kli uliwan. Aisa an ai luhpiawal aisanba danhtakan. Upla nani barakanba bila baikrakum walan, kum kum aisan alwani binka, wala wisata apia heven ensalka kum Jisaswal aisan.' Sakuna Grek nani barakanbara lika param walan Dawan Aisa hevenwina aisanba an bahara wisata Jisasba heven wina blikan Mesaia kum baku

"Dawan Aisa bila baikraba aisankan uplasut walan Jisas tahbi takan pyuara Jardan walara mahka aiwarkka takrikan pyuara, bawina ilra sin disaipil nani walan an nanara las aiwarkka tnatara balan pyuara sin kli aisan kata."—*Ibid.*, p. 625.



5. JU NANI KASAK LUKRASKANBA

- a. Tukin ailal Jisas daukan, hevenwina Dawan Aisa aimawalra aisanba sut purkara nahki jû nani kau kasak lukraskan? Jan 12:37–41.

"Jisas sturi kasakba aisan jû nesanka trabil briba dukiara. Las witin nanira maihsa nihkan an chans yaban, an aipurara bankaia patka balbiaba dukiara aisan. Dawan Aisa mita param aisan ailuhpia Jisas warkka tnatara balanba. Ao, Israel uplika nani mita briras kan kata. 'Bila baikra Dawan Aisa aisanba lika yang dukira apia,' 'sakuna man nani dukiara.' Jisas Mesaia baku Dawan Aisa mita blikanba param sakan, an Jisas daukan nanisutba kasak Gad luhpia baku."—*The Desire of Ages*, p. 625.

"Kainara jû nani mita Jisas ra makabi walan, 'Dia sainka daukisma yang nani manra kasak lukamna?' Jan 6:30. Jisas sain ailal daukan witin nani kaikbia dukiara; sakuna witin nani kaikaia wantapia dukiara ainakra prakan. Nanara Dawan Aisa pali heven wina aibila tara aisan kata, bahawina kau sip sainwala makabaia sip apiakan, sakuna kauban kasak lukraskan."—*Ibid.*, p. 626.

- b. Nahki yaawanra naiwa wankupia kraukisa jû nani daukankaba wina, diarasut klerkan sakauna kauban kasak lukraskanba? Jan 12:42, 43.

"Jû nani lihkikan upla mita mayunra yabiba, Dawan aisankara lika baku apia. Swira tara an bankaia patkawina swaktakaia watlira kau yamni lukan Jisas ra bahki kulkaia an ikaia, Kau naiwakat setan mita yaban sin lukanka kauban witin nani brisa"—*Ibid.*..



MAKABANKA LUAN NANI BA LAKI KAIKS

1. Sinskira nani bakusin Grik nani Jisasra plikikanba dia tanka?
2. Plawar mâ parabelkawina raiaki palira dia helpka sakisna?
3. Dawan aisankaba nahki sipsna walaia alwani bakukum lika apia?
4. Nahki yang jû nani patkara kahwaia apiasna?
5. Aisas plawar mâ tasbara bikan ba tanka lisin tihuka.

**JISAS, WARK DADAUKRA**

"WANKUPIARA BRIAIA: "Yang mita patrankum maikrisa, yang dia daukriba baku man nanisin daukma dukiara" (Jan 13:15).

"Jisas raiaka aiskara sipsa kaikaia selp aiwina kat baman lukras kanba. 'Witin aiwarkka daukbia dukiara lika apia sakuna witin mita aiwalka helpkara wark daukaia. " — *The Desire of Ages*, p. 642.

Kau aisikaikaia: *The Desire of Ages*, pp. 642–651.

Sandi**Pastara kati 20****1. GENTAIL LUKANKA**

- a. Dia lukanka saura Setan mita Jû nani sinskara mankan, naiwa nahki sipsa sin baku kaia? Luk 22:24, 25.

"Lucipa wantkan Dawan karnika, sakuna aidaukanka lika apia. Witin plikan pliskum kau purara, upla ailal sin spiritka briba baku daukisa. Baku lika tarbaiwan laka, unsaban an tarapulanka baman sipkabia wantilara kaia. Ya kau karnaba mita wala nanira taibi brisa. Setan kingka lakaba lika taibi munankawal warktakis; uplakum pawai dukiara wala nani aiyabalkara banhwinaba sakaia, kau ladar mina mankanka kum baku uliwaia dukiara." — *The Desire of Ages*, p. 435, 436

"Naha tasbara king nani aimakiba lika selp aipawankara baman lukisa. Tawan uplika nanira taibimunisa bara taura uplika naniba helptara brisa. Skul dimi diara lantakiba bakusin lahla briba mita tawan uplika nani tayawina taibimunankawal witin nani pawu banhwisa. Baku lahla ailal witin nani briba mita kuntrikumra diawantbakat brihwakisa bara upla umpira nani lika witin nani dia wibiaba bilawalaia. Tawan uplika nani airaitka lika brisa selp lukaia an dia wantba daukaia, sakuna baha raitka yabras wala nani mita." — *The Desire of Ages*, p. 550.

"Serts bilarasin naha trabilka barasa tasba kingka nanira takiba baku. Yangkau pawai, membars nanira taibi brikaia raitka yabaia apia, baku takisa." — *Testimonies for the Church*, vol. 5, p. 241.



2. WAN DAUKANKA CHENSTAKAIA NITSA

- a. Naha tasbara upla baku an nesankum tarakaia lukanka brikanbara nahki Jisas mita marikan bapanka painkira walakum aidaukanka an aismalkanka nanira? Luk 22:26, 27; Jan 13:13–16..

"Jisas kingka laka bapanka naniba satwala. Aiwarkka daukaia dukiara winan naniba aiwalkara taibaia apia, sakuna helpmunaia; karna naniba mita swapni nanibara tabaikaia. Karnika, kukanka, talent nani an tasba sinska laka yaban bri naniba pahpaiara kahbansa aiuplika wala helpkara warktakbia dukiara.

"Jisas kingka lakara taibi munan lakaba apu, serts dawanka wisi pulaia pliska apu. Hevenwina ensal naniba tasbara balras wihta aimakaia ar upla nanira taibimunbia mayunra yabia dukiara, sakuna kupia pihni laka sturka kwakwahra kasak kum baku, uplawal asla warktakaia kahwan naniba bukaia dukiara." *The Desire of Ages*, pp 550, 551.

- b. Aisas nahki tnatkara Jisas mita upla saurakira nanira aisikan, baha daukanka nahki satwalasa yawan wandaukankawal. Pilipai 2:3, 4..

"Upla baku wan daukanka kum pain apiaba lika, wan tnatka brisa yawan dia wiba bakat kaia, an upla wala mistikka naniba dukiara ban aisisa wansinskawina sakras. Wan muihni B witin brindaukras aiwalka aikuki asla takikaia; witin selp uba painsa aidarawaliba mita nitka kum baku aidarawalras aslatakaiaiba. Witin ailukankaba kau tara wala naniba kau mayarasa, witin naniwal aisaiaba taim tikanka diara bahki kum bakusa. Uba sinskira pulisa, witin aipurara uplawala apusa aidara walisa bara nitka kum apusa lukisa uplawala lukanka nani. Selp uba tarapuliba mita lukisa witin lika diarasut sipsa daukaia, ninara luan daukan dukia naniba kaikisa bara aimayunra tara brisa, bansin lukisa dia trabilka balbiasin witin sipsa puraluwaia." *The Desire of Ages*, p. 444, 445.

"Tasba uplika nani iwanka tnatka nina blikiba mita klaut purara brihwisa bahara kauhla upla wala winka puhbra briba mita ai spiritkara saura aidarawalisa an pruisa. ". —*Ibid.*, pp. 528.

"Yawan wantilara rait aihwa Dawan latwanka barasa kaka wan uplika walara kau tara kulkanka yabia, selp wanwinakat baman kaikbia apia, kahwan nanibara bukaia traikaikbia. ". —*Gospel Workers*, p. 447.



3. UBA TARA PULANKA

- a. Ensai luan lilika kau balraskan kainara disaipil nani dia lukanka brihia kawikan? Matyu 20:20–24; Luk 22:24..

"Disaipil nani tilara ranhbanka barakan aitolakat aisibanhwikan ya ba kau tara kabiasa sapa. Kau ban Jisas mawankat sinturka aibahwan witin yamni kaikraskan. Disaipil nani lukikan Jisas ba David trunkara King aimakbia bara Roman taibanka lakawina prisakbia. Witin nani brin daukikan Jisas kingka lakara warktarakum briaia. Selp aiwinakat baman dukiara luki banhwikan naiwa yawan diana baku, aiwalkara kau tara kulkanka apukan bara yang kau tarakaianasaba aisinskara brikan. Jems an aimuihni Jan wal makabanba disaipil wala nani laik apia taki banhwan. An baha taka witin nani aitolakat aisibanhwikan kau Jisas nina bliki kaia apia, kan diara kumisin wentakras bahawina aitaimeka bahkiranman tikisa. Jisas mita witin nanira kulkanka yabras, witin nani dia daukaia sipba kaikras bakusa. Judas mita kau prautlakawal lawidaukan kata Jems an aimuihni Jan waltaiara.

"Disaipil nani kupiaba tarbaiwan an praut laka brikan tutni pata piaiaikan pyuara Jems an aimuihni Jan wal makabanka taka mita. Judas lika Jisas smihkara iwiki, Jan lika aihkikarakan. Judas wantkan witinba wark kau taraba briaia." — *El Deseado de todas las gentes*, págs. 643, 644.

- b. Dia kainara smalkanka disaipil nani auyatiwan an baha taka aitolakat blahwanka brihia kawikan? Matyu 18:1–4.

"Disaipil nani tilara kli trabil walakum takanba lika naha: Lilia dauki pyuara watla dawanba mita yaban ai albika mita paiwan uplika nani mina sikbikan baha pyua nanira respekka yabaia dukiara, diarasut ridi daukan kan liliaka briaia dukiara. Tawil, li an bisin sin barakan sut ridikan mina sikbanka daukaia; sakuna alba kumisin apukan naha warkka daukaia, disaipil nani daukaiaikan. Sakuna disaipil nani uba tara an praut takan kan Jems an Jan wal makabanka takamita bara kumisin wilin apiakan daukaia. Diara kumisin aisaras sap iwi banhwikan, kumisin aiauras ban lukikan alba apu bara ya lika sipkabia wanmina sikbaia. " — *Ibid.*, pág. 644. "Wan uplika wala saurka aisisa pyuara nahki Dawan wan kaikisa, bankra witinkau bitarsa yawan naniwal. Dawan wankupia aisikaikiba sut nusa. Witin ai nakrawina lika diara sirpikumsin sip tiuras. "—*The Signs of the Times*, February 19, 1885.

4. MARIKANKA KUM ISI

- a. Minitkum Jisas kaikikan disaipil nani dia daukbia sapa, ninkara witin dia daukan? Jan 13:3–5.

"[Naha sturkana Jan 13:5 ra ulbansa] Jisas pali mita disaipil nani mina sikbanba taka witin nani aiswa tara taki bahwan an aidarawalan aikiana aubanka, nanara witin nani aikaikankaba satwala takan ingnika brinbawal. Baku Jisas ailatwanka marikan aidisaipilka nanira. Disaipil nani selp aiwinakat baman lukikanba taka Jisas sari manas brikan. Sakuna witin nani praut ar blahwanka sin daukraskan. Sakuna patran painkira kum yaban kli aiauyatiubia apia dukiara." —*The Desire of Ages*, pp. 644, 645.

- b. Jisas mita Pita mina sikbaikan pyuara, Pita dia aisan? Jan 13:6–8.

"Pita, witin kausip stan munraskan Jisas pali Gad luhpia hevenwina Mesaia kum baku blikanba bahasat mayara bawi upla mina sikbia. Sakuna Pita witin nuapiakan Jisas baha dukiara tasbara balanba." —*The Desire of Ages*, p. 459.

- c. Nahki setan mita Judas ra traika kaikan, an nahki Jisas marikan witin sut nukanba tanka? Jan 13:2, 10, 11.

"Kau ensal luan lilika daukraskan kainara pat Judas yukwanra aimawal aisankan parisi an aiulbra nani aikuki, an bahara witin pramistakan Jisas ba witin nani mihtara mankaia alki silakra brihwabia dukiara. Sakuna ninkara kli disaipil nani tilara bal taukikan diara daukras sunu baku an ensal luan lilika rididaukiba tilarakan. Judas dia dauki taukiba disaipil nani nuapiakan. Jisas lika diara yukwanra dauki taukiba sut nukan. Sakuna mawanra saki wiraskan. Jisas brindaukikan Judas ra swaki sakaia. Judas ra setan traika kaikiba dukiara Jisas wihra brikan sin Jerusalem dukiara inataba baku. Jisas brindaukraskan Judas aitolawina takiwabia. Judas aidara walan Jisas latwanka, kau pali aimina sibbikan pyuara brindaukan aisaurka sut dahra param sakaia, sakuna baku daukraskan." —*Ibid.*, pág. 645.

**5. WAN MINA SIKBAN TANKABA**

- a. Wan mina sikban lakawal Jisas dia wantkan landaukaia? Jan 13:8.

"Wan mina sikban warkka Jisas takrikanba, ao kaikras kaka uba mayara bakusa adarkum holi baku bapan. Pyua bani naha daukisa pyuara disaipil nani aikupia kraukikaiaikan lisin tarakum baku."

"Naha adarkana lika riditakanka kumssa tibil laka briaiaba dukiara. Wan tilara tarapulanka an uba sipkira wandara walanka, unsabanka, taiban laka sut wankupiaarasa kaka sip wankupiara Jisas iubia apia. An tibil laka briaiaba kau ridi apiasa Jisas winatara an talia diaia. Baha mita Jisas aitani kaikan pastaura bawan lakaba wankupiara kaia kau diarasut taura.— *The Desire of Ages*, p. 650.

- b. Wan mina sikban laka danh takan ninkara Jisas dia aisan, nahki wan sinskara brikaiaasa pyua banira? Jan 13:12–17.

"Yawan lika saurakira, pyuabani mistikra iwisa. Kaisa Jisas ra balaiwa wankupia lakaia an wan saurka dahra saki wiaia. Dawan adar wankanba daukaia dukiara purasunra watlara asla takisa pyuara kaisa wan swakwanka naniba sutwina wapnitakaia. Wan muihnikum mina sikbaisa pyuara wankupiara selp walan kaiaasa. Naha muihniku wal yang diarakum brisnaki? Bankra diarakum brismasa kaka wal wapni takaia awarkasa bara hevenwina prilaka brima an Dawan blisingka ailal man nani puramra Kabia. ". *Reflecting Christ*, p. 283

**MAKABANKA LUAN NANI BA LAKI KAIKS**

1. Aisas nahki heven an tasba daukankawal satwalaba dukiara
2. Uplawala mina sikbrasna kaka nahki Jisas smalkanka maparasna?
3. Judas daukankawina yang dia lantakaia nitsa bahra kahwaia apia?
4. Aisas nahki Jisas mita disaipil nani daukanka satwala daukanba
5. Wan mina sikban lakawal dia Jisas wantsa yawan lantakbia?

Pas sabat kaliksanka

Yiniral kampres ra

Skul warkka tabriba apis tarara

Skul warkka an holitakaia warkkaba lika yukum baman daukras, wan raiaka aiska dukiasa. Tuktan sirpiwina yawan lantakisa, ban skul tarakat banwisa an swaktakan nani kau ban lantakan kabia hevenrasin.

Misaniry warkka yawan dauki lantakan kaiaisa tuktan sirpiwina. “Jisas nina blablikra rait aihwaba aisubitakisa misaniry kum baku.”

”— *The Desire of Ages*, p. 195. Luhpiam nanira smalki landauks srinwraskira kaia apia, Dawan bilaba smalks titanra, yabalra taukisma taimkara an tutnira mahka yapaia awarkara. Kli smalkanka 6:7. Swak takan nani sut hevenra wabia pyuara, bahara kau saurakira an traika kaikan apukabia pyuara skul dimi lantakaia warkkaba kauban taura wan kabiasa.

Nanara yawan nitpalisa, wan sertska riditakaia an skul lantakaia dukia naniba tuktan, bakusin wahma an tiara an kau almuk nani dukiasin ridi daukankaia.

Sarisa aisaiaba, sakuna naiwa tasbara skul bara naniba uba wihkara wansa smalkanka kasakbawina diara wala bahki nani baman tuktan nanira smalkisa. Tuktan, wahma an tiara nanira skul landaukaiaba lika diara sirpi apiasa, kan swaki sakan laka briaiaba ar bankaia tiwaiara waia patkara kahwan kaiaba sut lika skulra dia lantakibawina wan brihwisa. Aisa an yapti ailal yawanra makabisa skul bukka satka kat, ao baha uba pain kan baku yawan Dawanra mayunra yabaiasa. Ba taka Skul warkka tabriba wan apiskara ridi daukisa waunhtaia satka kat man nanira maikaia.

Bansakuna, warkkaba kau tarasa wihki yawan lahla wanmihtara bribawal. Bamita man nani helpkam yawan nitsa buk satka kat paskaia, twisa wala nanirasin lakaia, an man nanira kli laki maikaia wan muihni umpira nanirasin yabaia. Man nani helpkamba tara palisa warkna daukaia. Tuktikam naniba lan dauks naha tasbara wark yamni dadaukra kaia an Dawan albika kasak kaiasin.

Yawan nusa naha warkkana tarasa, sakuna nitpalisa. Man helpkanwal yawan sipkabia skul bukka satka kat paskaia. Yawan wantsa tuktan kulki lantakaia bukka paskaia, aisikaikaia bukka satka kat, bakusin wan tasba tara nahkina tanka, sakuna kaupalisa lika Dawan warkka daukaia lantakaia.

Kaina manaswina tingkikam sakisa an Dawan blesmaimunbia.

Muikam nani afis lalka taraba wina



**RAYAKAIA, KASAKBA AN YABALBA**

"WANKUPIARA BRIAIA: "Jisas naku wisata, Yang sikka yabalba, kasakkaba, an raiakaba, yangku baman sipa Aisara balaia" Jan 8:11.

"Naha tasbana lika heven tilawina dakbi sakankan saurka dimanba takamita. Uplaba sip kau ban ai papaskrikawal sip aisikapraskan; sakuna yabalkum sakan uplaba kli sipkabia tawi Aisa watlara balaia."—*My Life Today*, p. 260..

Kau aisikaikaia: *Testimonies for the Church*, vol. 8, pp. 265–269.

Sandi**Pastara kati 27**

Baibil aisikaikaia ba: 1 King 16-18

1. JISAS AISAN WITIN KLI AISARA AUYABA DUKIARA

1. Jisas aiwarkka tasbara danhtakanra dia maihsapahkan? Jan 13:33. Dia sturka walasin witin aisan? Jan 13:34, 35.

" Jisas las sturi disaipil nanira winba lika: 'kumi walkam aikuki latwanbas, sin yang mita man nanira latwansnaba baku'. Jan 13:34. Naku yawan bilawali daukisa ki apiasa kaka wanwinakat baman latwan kaikisa idan nani baku. Mebi wan muihni walara yawan mita yaban saritakan ar ninara aisansa kaka, witinkara pliki waiasa wan mistikka dahra saki wiaia an kli panatakaia witinwal. Naku daukaiaba nitpalisa kan baku apiasa kaka blising bribia apiasa."— *Christ's Object Lessons*, p. 144.

2. Dia dukiara Jisas an Pita wal aisan mahka hevenra waikanba dukiara wisi? Jan 13:36–38.

"Naiwa kristian ailal sin Pita kataba bakusa uba sipkira puli Pita aisataba, Mastar yang lika uplasut mai lulkbiasin maikaikras wimna apia. Yawan upla baku yakan karnika apusa waihla saura mapara aiklabaia. Sakuna ani uplika Jisas mihtara karna alki briba sipapia kabia kahwaia an setan karnika apusa traika kaiki witinra batakaia."—*Our High Calling*, p. 307.



2. MAIHSANIHKRA BILAKUM

- a. Kau utla purarakan pyuara, dia maihsanikra bila Jisas aisan aidisaipilka nanira an dia pramiska daukan? Jan 14:1, 2.

"[Jan 14:1–4.] Man nani lamtwanka dukiara tasbara balri. Man nani dukiamra wartakaia. Mahka kli hevenra wamna pyuara kauban man nani dukiamra swapraskira warktaki kaisna. Tasbara balri maiwan param takaia, kasak ailukma dukiara, kli Dawan Aisara auna wal asla man nani helpkamra wark takikaia.

Jisas hevenra uliwanba mita disaipil nanira lulki swiraskan, dakwitakanka kum lika apia. Watla ailal rididaukaia wisi uliwan ba ninkara witin kli balaia pramis munansa wanbrihwaia aiwatlara. Hevenra Dawan wan watla rididaukina pyuara yawan naha tasbara riditakaiaisa wan daukanka naniba Jisaswal baku takaia."— *The Desire of Ages*, p. 663.

- b. Dia pramiska painkkira dukiara Jisas aisan kau waras kainara? Jan 14:3.

"Jisas kli aimawalra tasbara balaia pramiska painkira daukanba lalukra kumi bani sinskara ban barakaiaisa. Jisas nahki witin hevenra uliwanba baku sin tnatkara kli tasbara balankabia, witinra kasak lalukra an aibilawali dauki naniba brihwan kabia. Sin Jisaska witin aisan kataba: 'Kaiks yang man naniwal bansna yu banira tasba tnatarakat', witin mita yamni balanka wankan kabia."— *The Acts of the Apostles*, p. 33.

- c. Tomas mita Jisas ra dia makabanka daukan yabalba dukiara, dia ansika witinra yaban? Jan 14:5, 6.

"Hevenra waiaba yabal ailal apusa. Uplakum sip witin dia wantba wahbi briras. Jisas naku wisa: 'Yangsika yabalba;...sip tnatka wala apusa Aisara balaiaiba Jisasku baman lika sipa. Eden kiadinkara saurka diman ninkara Dawan mita Adam ra pramis munankan Jisas tasbara balaiaiba dukiara setan lalra taibaia, Minitkara lika balraskan sakuna pyua aimakanra Jisas balan kata. Jisas sika yabalba, raitba an raiakaiabasin...Abel wina ninkara iwan naniba sut Jisasku baman sipkan swaki sakan laka briaia. Jisas sika Gad sipka lupia tasba saurka mana brih sakiba dusprignira warktara daukanba taka mita." — *The Desire of Ages*, p. 663.



3. DAWAN UPLA TAKANBA

- a. Jisas nahki aisan Dawan Aisawal witin aslaba dukiara— an naha diarana nahki tarasa yawan nanira? Jan 14:7.

"Jisas balanbawal tasbara param marikan latwankira kum baku, kupia pihnira, an wan trabilka sut kakaira baku. Setan mita wantkan marikaia Dawanba uba prautkira lalaura baku, sakuna Jisas balanbawal kler sakan baku apiaba tanka, nanara upla nani aitanka brin raiaka ingnika painkira baku ". *Testimonies for the Church, vol. 5, pp. 738, 739.*

- b. Pilip mita Jisas ra dia makabiwalan, witinra Jisas mita dia ansika painkira yaban kata? Jan 14:8–11.

"Pilip mita Jisas ra makan Dawan Aisaba witin nanira marikbia bahawal aitanikabia wisata, baha minitkara Jisas mita pana tawi Pilip ra wisata: 'Yangra aikaikismana sika Dawan Aisa aipliskara aiblikan hevenwina balri naha tasbara'. Dawan Aisa latwanka, kupia pihnika an daukanka naniba sipsma kaikaia yang dia daukisna nanibak." —*Ibid., vol. 5, p. 739.*

"Jisas kler aisan naha tasba uplika saurakira kumisin sip Dawan Aisa mawanba kaikras, wan sinska nakrawal kasak lukiba baman lika sipsa." —*The SDA Bible Commentary [E. G. White Comments], vol. 5, pp. 1141, 1142.*

"Jisas naha tasbara balan pyuara witin Dawan ba bankan, ao upla takan yawanra patran painkum wan marikaia dukiara nahki Dawan Aisa Lâka bilawalaiaba an traika kaikanka nani puraluwaiaba. Disaipil nani mani yumhpa pura bakriki Jisaswal taukan bara kaikan kata.

"Jisas warkka nanibak tukin an sain nani daukikabawal disaipil nani sipkan Dawan Aisara kasak lukaia, kan bahasat warkka upla kumisin sip daukras an daukbiasin apia selp aikarnikawal.

"Dawan Aisa wihki Jisaswal aslaba tanka pain disaipil nani brin sat kata witin nani Jisas pruantaim sari an sibrin briaia apiakan, kauni lika liliakaiakan prapit aisanka nanisut aimakanba dukiara. Disaipil nani kasakka lukanba uba mayarakan taka witin nani aitanka aiskasut briraskan sakuna Jisas prui buan ninkara karna takan kata." —*The Desire of Ages, pp. 663, 664.*



4. WARKTARA = BLISIN AILAL

- a. Jisas aidisaipilka nanira wark tara daukbia dukiara nahki aisan? Jan 14:12.

"Jisas brindaukikan disaipil nani tanka bribia dia mita Dawanba uplawal aslatakiba dukiara. Witin tasbara balanba lika Dawan Aisa glorikaba param saki marikaia, upla saurkara kahwan naniba Dawan karnikawal kli bukan kaia an pana laka duakaia. Dawan Aisaba Jisasku param takan upla nani witinra kakaira takbia dukiara. Sakuna Jisas upla takan pyuara Dawan baku aikarnika yusmunraskan yawan sip daukaia apia dukia naniba daukraskan, upla wihki Dawanwal aslataki wark tara an karna daukaiaba lika sipsa.

"Yang daukisna warkkawina kau purkara daukma kan yang Aisara auna. Baha Jisas aisanbawal wiaia wantkan wark yahpika dukiara sakuna witin daukan warkka nani purkara lika apia. Tukin tara nani daukbia dukiara aisaraskan sakuna Spirit Holikira ta bribia pyuara wark sat sat duakbia dukiara aisan.

"Jisas mahka hevenra uliwan ninkara disaipil nani aitanka brihiakawan pramis daukan kataba. Jisas dusra saban, raitiwina yu yumhpara kli buanba ninkara tasbara yu yawan aiska wal 40 narakan bawina hevenra uliwanba Dawan Aisa mawanra wan helpkara aisaia, nanara ai sinskara param palitakan. Prapit ulbanka nani aimakanba tanka kler brihiakawan. Dawan bila Testament almukra ulban dukia naniba stadi taki banhwan. Jisas smalkanka naniwal asla praki kaikan bara Spirit Holikira mita witin nani sinska kwakan diara tihura barakan dukia naniba aitanka brihiakawan kata."— *The Desire of Ages*, pp. 664, 667.

- b. Jisas aisankawal nahki bilakaikanka tara uplasutra yabanssa? Jan 14:13, 14.

"Disaipil nani kau painpali aitanka briraskan Jisas karnika briba tanka. Witin wisata: 'Nanarakat kau man nani yang ninira diara makabras sma'. Jan 16:24. Sikrit kum wisata witin aininara makabaia tanka. Jisas lika Dawan Aisa mawanra kaisa diarasut makabiaba yaban kabia. Kasak lulukra kau umpire sakuna aikupia aiskawal aipura suniba walan kabia an makabiba dukia yankabiaasa. Ao, bankra aipura suni pyuara sturi sitnikawina sip aisaras sakuna Dawan lika upla kupiara dia makabaia wantba pat kaikisa. Jisas, Dawan Aisa mawanra buisa upla helpkara aisisa selp aitalia laikanba marikisa, bamita minit kumirasin yawan ban namhpara lukaia apiasa wanpura sunisa awarkara." —*Ibid.*, p. 667.



5. TAIM PAINKIRA KUM

- a. Nahki painkira kata Jisas aidisaipilka nanira aisiwisata witin nahki Dawan Aisa wal aslaba tanka (Jan 14:8–10)—Nahki yawan sin baha aslika lakara iwaia sipsa. Aiwanaka nani 2:3, 4.

"Jisas sturka aisikanka dukia naniba ulbansa Jan bukka sapta 14:8-10 katra. Baha diara nani aisikan pyuara Jisas mawanba ingni pali takan kata, baha minitka ra barakan uplika nanisut sibrin tara takan an kulkanka tarasin yabankan. Disaipil nani naha kaikanbawal kau karna kasak lukan Jisas ra Mesaikum baku. Pana aiwarka aikuki kau latwan laka marikan kata. An aidara wali banhwan Dawan Aisa witin nanira waliba dukiara. Yawan sin baku kabia Jisas tanka aiska bribia pyuara."— *The SDA Bible Commentary [E. G. White Comments], vol. 5, p. 1142.*

"Kristian aialal barasa ban plapi nara an bara taukisa an uba swapaia, ailalba ban tasba warkka sat sat tilara aitaimeka mankisa res briaiasin taim apusa Dawan pramiska nanira lukaia, ban lukisa tasba dukiaa nani ailal bribiabawal prilaka an saplaka sakan kabia. Baha nanira Jisas wina: 'Yangra bal... an reslaka sakma'...

"Naha tasba kiasmika an laptika yabalka nani wina laihwra taki Jisas distikara kaisa balaia. Bahara lika karnika sakbia saurka mapara aiklabia. Uba warktakiba swibia bara ban waritaki kabia apia, Dawanra mayunra dauki lawana nani aiwanan kabiasa. Swapan an tayat takan naniba Jisas wina lisin painkira lantakaia nitsa, witinra kau kasak lukaia. Jisas mina distikara iwaia kan bahara lika rait aihwa prika laka an reslaka sin sakan kabiasa."— *Testimonies for the Church, vol. 7, pp. 69, 70.*

"Kristian nani wantilara bawan laka an wanwinakat baman kaikras kabia taim rait aihwa heven latwanka laka tanka kasak bribia. Kau naha tasbarawina kuna pat heven lilika brikabia."— *Ibid., p. 131.*



MAKABANKA LUAN NANI BA LAKI KAIKS

1. Pita kahwanba kiukara nahki yang kahwaia apiasna?
2. Jisas pramis munansa hevenra aibrihwaia, tasbara diaba warkkisa?
3. Nahki baman yang sipsa Dawan wark aikanba daukaia?
4. Jisas nahki disaipil nanira maihsanihkan mahka auyakan pyuara?
5. Jisas mita disaipil nanira kau wark tara daukbia winba dia tanka?



SPIRIT HOLIKIRA PRAMISKA

"WANKUPIARA BRIAIA: "Yawan nani lika Jisas dia daukan dukia naniba wedniska painkirasa; Spirit Holikira wankanba sin baku" *Sturka nani 5:32.*

"Spirit Holikira pramiskaba, taimkumra baman yabras ar nesan satka kumi bamanra yabras. Jisas kler aisan Spirit Holikiraba lalukra baniwal kabia tnatarakat."— *The Acts of the Apostles, p. 49.*

Kau aisikaikaia: *Testimonies for the Church, vol. 8, pp. 19–23.*
The Acts of the Apostles, pp. 47–56

Sandi

Sikla kati 3



Baibil aisikaikaia ba: 2 King 11-13

1. KASAK LUKANBA TAKA — BILA WALISA

- a. Jisas ra kasak lukisa pyuara, kristian bani wankupiarra dia yawan brisa? Roman 5:1–5.

-
- b. Jisas latwanka lakaba nahki kristian bani raiakara param marikisa? Jan 14:15, 21; 1 Jan 2:3.
-

"[Jisas] uplara swaki sakisa, ai saurkara lika apia, sakuna saurkawina; ya witinra latwan kaiki an aibilawalisa kaka marikankabia bilawalankawal.

"Rait aihwa bilawalankaba lika wankupiwina takisa. Jisas aikupiwina Dawan Aisa bilawalikan ba baku. Yawan wilinkira ao takbiasa kaka Jisas wantsa wan sinska lukra an wan daukanka nanisutra kasakka lakara wanbrihwaia. Jisas wankupiarra takaskisa kaka wan raiaka aiskaba klin, wapni an holi lakara baman kabia, kainara wan daukanka wahra an taski naniba sutwina priwansakan kabiasa. Jisaswal rait yawan kakaira takbia pyuara saurka naniba sutra misbara kaikbia an wan nakrara taski an kia kaikbia, minit kumirasin kau batilara kaia wan daukbia apia." — *The Desire of Ages, p. 668.*



2. NITKA TARA KUMBA

- a. Disaipil nani maihsanihkaia dukiara yaura blikan balan? Jan 14:16–18.

"Upla swaki sakaia warkka takrikan wina Spirit Holikiraba upla kupia nanira aiwarkka daukisa. Sakuna Jisas naha tasbara balan pyuara lika disaipil nani nitapiakan help mamunra kum baku. Sakuna Jisas uliwan pyuara lika ainitka aidarawalan Dawan Aisara makaban an blikan kata." — *The Desire of Ages*, p. 669.

- b. Kasak lalukra bani kupiara nahki Jisas sipkabia bal iwaia? Jan 14:19–23.

"Spirit Holikira warkkaba lika diara tara an aihkakira palisa witin lika Jisas pliskarasa, sakuna uplakum baku kaia lika witin nitapiasa. Jisas tasbarakan pyuara witin upla bakukan ba mita sipapiakan plis sutra sintaim bara kaia. Bamita witin disaipil nanira wisata hevenra waia an Aisa mita Spirit Holikira ba blikka balbia witin aipliskara. Spirit Holikiraba lika plis sutra sipa sin minitkara barakaia, an kuntri banirasin, utlabila banirasin. Baha nahkisa sapa lika sip wantanka briras hevenra wabiakat aiska wantanka brinkabiasa.

"Jisas aisankan witin mahka wabia ninkara disaipil nani purara trabil balbiaba dukiara. Jisas kaikan disaipil kum kumra silakra brihwan, wala nanira dusprignira saban, an walara kabu biarara ki sirpi walpa bamanra brihwi lulkan, wala nanira rausauhki nina bliku iki banhwan. Maihsanihkra bilawal wisata baha trabilka nanisut tilara witin aimawan ingnika walkabia. Baha pramiskaba naiwasin bansa minit kumirasin aikarnika tikras. Ani anira kasak lalukra nani trabil brisa pyuara Jisas mawan ingnikaba witin naniwals ban lulki swiras: bankra silak watlara, ar untara yukwikabia pliskara, apia kaka tasba la dauki wihtika nani mawanra kabiasin. Kunin daukiwal dusa kuhbankawal patmihtara mankbia sin sibriaia apiasa kan baku Jisasra parisi nani mita kuninwal dusa kuhban kata." — *Ibid.*, p. 304.

"Nahkijat trabil tara wanpurara waihlala mita brihbalbiasin ban drinhswapaia apiasa kan Jisas mawan ingnika yawan aikukisa. Ao, tasbara wan pamali naniwina lika dakbi wan sakbia sakuna Jisas mawan ingnika wina lika sip dakbi wan sakbia apia. Wanpura sunra wan kupia muhtara makabiba Jisas sut nusa. Wan karbanka nani uba wihra kabiasin wankupia muhtara liliaba ban brikaiaasa kan Jisas dusprignira wan swaki sakaia dukiara pat wahwanba kau tarasa." — *Ibid.*, pp. 669, 670.



3. SMASMALKRA

- a. Spirit Holikira mita nahki lulukra nanira sinska kwakbia diara kasakba tanka briaia? Jan 14:26.

"[Disaipil nani] aitanka aiska briraskan Dawan bila ulbanka nanira kulkanka yabaia dukiara Jisas aisikanba. Manas lukikan taim tikanka kum bakusa baha walaia. Jisas kaikikan disaipil nani aitanka briraskanba Dawan bila kasakka tanka witin smalkikanba. Latwan kaikiwal wisata Spirit Holikira mita witin nanira aikupia kraukan kabia. Jisas diara manas aisaraskan ban swin disaipil nani sip tanka briraskanba mita. Sakuna Spirit Holikira balbia pyuara witin nanira param sakan kabia. Spirit Holikira mita sinslaka an karnikasin yaban kabia heven dukia naniba tanka briaia an aisinska bahara mankaia." — *The Desire of Ages*, pp. 670, 671..

- b. Jisas nina blablikra kumi banira Spirit Holikira kau dia tabaikanka yaban kabia? Jan 16:12–14.

"Bankra diarakum Dawan bilara sip tankam brirasmasa kaka sari takpara, turbi kaiks, pliki kaiks, puram suni Dawan ra heven sinska laka makas, sakuna tuktan wina diara lantakram nanibara niupara an kau tara kulkanka sin yapara, sin gûl main kum bakura swapraskira pliks, bara Spirit Holikira mita heven sinska laka maikbia nutakaia dia plikisma dukia kakaira takram kabia."— *Selected Messages*, bk. 1, pp. 412, 413

" Spirit Holikira mita sinslaka wankras kaka sip Dawan bilaba tanka bribia apia, kan sin Spiritka mita yaban ulbanba."— *Testimonies for the Church*, vol. 5, p. 241..

"Aima manasa traika kaikan wanpurara baliba uba wihra wandara walisa tankaba lika wanpura sunras an Baibil aisikaikrasba mita, trabil wan taibisa pyuara Dawan pramiska naniba nitsa wankupia kraukaia an surd mala kum baku setan mapara bapaia. Heven ensalka naniba wanlamakir kutbi brisa ani uplika Dawan bila stadi taki nanira, an kupia kraukan kabia kau nitsa pyuara, waihlra sauraba mita lisamra tara baku wan mapara brihbalbia sakuna pens tarakum baku Dawan karnika mita bapan kabiasa. Aiseya 59:19.

" Jisas aidisaipilka nanira pramis munan: ‘Maihsa nanihkra Spiritka Holikiraba, Dawan Aisawina blikan kabia, witin mita lan maidaukbia an yang maismalkri dukiaba kupiam kraukbia. Sakuna smalkanka naniba pat wansinskara brin kaiasa bara Spirit Holikira mita kupiam kraukbia yang aisari dukia naniba’. Jan :26 Nahki trabil tara tilara kabiasin ban drinh swapaia apia Jisas mawan ingnika yawan walsa. " —*The Great Controversy*, pp. 599, 600



4. PRILAKA PRESANTKA

- a. Dia pramiska painkira Jisas yaban ainina blablikira kumi banira—traika kaikanka pyuara help tara kabia dukiara? Jan 14:27–29

"Jisas kau dusprignira pruras kainara disaipil nanira smalkan pyuara minit kumirasin aisaraskan nahki witin panistara briaiba an las prubiaba dukiara. Sakuna smalkan prilaka dukiara." — *The Desire of Ages*, p. 672.

[Jan 14:27 ra ulbansa] naha prika laka lika tasba wina apaia. Jisas minit kumirasin saurkawal asla apiakan. Jisas mita disaipil nanira prilaka yabanba lika wankupiar, pura tani baman lika apia, ao nahkisat trabil aial tilarakabiasin prilakaba ban brikaia, ban drinh swapaia apia kan Jisas mawan ingnika yawanwal bansa." — *The Acts of the Apostles*, p. 84.

"Diara raitba wihki kuninbawal lika aiklabanka sturka kumsa pyua banira. Gaspel sturka smalkankaba lika ban isi apiasa wan mapara, trabil bukisa wan dukia nanira sauhkisa an panis aial wanpurara bribalisa.

"Ya nani mita lalukra nanira pyua banira rausauhkan bukisa Jisas dukiara? Setan sika aisuliarka nani tasba bribak rausauhkanka bukisa Jisas Kingka laka nina bliki nanira. Wan ninara luan sturkaba liliasa kuna sarisa tintaim. Jisas nina blablikra nani ailalra silakra mankan, rausauhkan an las iki banhwan. Minit kumirasin witin nani aininara takraskan, karna aibapankan walpara baku, witin nani sibriras aipurara trabil nani waihl saura ai suliar aikuki bribaliba. Ao, tasbara aipamali naniwina lika dakbi sakan sakuna Jisas latwanka wina lika sip dakbi sakraskan, Jan 14:21 ra pramis daukanba pyua banira bansa." — *Ibid.*, p. 85

- b. Jisas aiwarkka tnata balan pyuara, selp aidukiara kli witin dia aisan? Jan 14:30.

"Wanwina brinka, wan nakra brinka kum yawan lihkiisa pyuara setan bahak warttakisa traika kaikan naniba bribalisa wanbatakaia. Sakuna Jisas naku aisan: 'Naha tasbara king aimakiba aulasa sakuna yangra witin diara kumisin apusa' Jan 14:30. Ao, Jisas ra traika kaikan sin skwal tarakum baku sakuna sip apiakan batakaia." — *The SDA Bible Commentary* [E. G. White Comments], vol. 7, p. 927.

**5. JISAS PRIKA LAKA**

- a. Nahki tnatkara baman yawan sipsa Dawan wal prilaka brikaia? Jan 16:33; Epesú 2:13, 14.

"Selp wankarnikawal lika yawan sipapiasa wanwina brinka karna naniba taibi puraluwaia. Wanwina brinka, wan nakra brinka nanibak setan wantraika kaikisa. Jisas nukan setan nahki uplara traika kaiki kabiaba witinra kasak lukras nanira. Wanwina brinka nanik alki ai albika priski aimina muhtara taibi brikabiaba. Jisas, witin upla baku waihla saurara pura luan an yabalkum kwakan yawan sin sipkabia puraluwaia. Waihla saurawal aiklabankara yawan lustiubia want apiasa ba mita aikarnika wankisa an patrankum dauki wanmarikansa. Dawan wantapiasa yawan sibrintakbia pyuta saura wan samaia wan nina blikiba dukiara. 'Kupiam bribas yang pat puralurisa' Jan 16: 33." *The Desire of Ages*, p. 122.

- b. Lalukra bani Dawan wal prikaiaasa kaka dia daukaiaasa? Lawana nani 119:165. Yu banira ai iwankara nahki kaiaasa? 1 Jan 3:22.

"Dawan mita wark daukaia wankanba tanka wanwibia, lalukra nani wanninara luanra wisataba baku. Witinra kasak lukiwal aula pyuara, Witin mita diara tihura naniba kler wan marikbia. Uplakum wan pliki wanlamara aula pyuara liliakirawal aisabia Enok daukikanba baku. Dawanra mayunra yabaia pliki uplika nanira Spirit Holikira mita yabal kasakba marikbia bahara wapaia. Heven sinska laka an karnika witin nanira yaban kabia Dawan warkka daukaia, bilawalaia an aiwalkara helpmunaia." —*Ibid.*, p. 668.

**MAKABANKA LUAN NANI BA LAKI KAIKS**

1. Nahki yang nukaiasna raitpali Jisas ninara puri sunisnaba?
2. Nahki kau Dawan wal prilaka brikaiasna tasba prika laka purkara?
3. Nahki Dawan wal yu banira kau prilaka brikaiasna?
4. Lalukra kum raiaka Dawan wal prilaka briba nahki iwisa?
5. Spirit Holikira warkka dukiara kunhkura aisas.



JISAS, WAIN KIUKA KASAKBA

WANKUPIARA BRIAIA: "Yangkira apia man nani diara sip apiasma." Jan 15:5.

"Jisas wal yawan kasak luki asla takanba lika bankaia dukiarasa; diarawala wal kainara aslananba sut lanhwi takan kaiasa...Ao, naha aslatakanka lika isiapiasa. Kan wan raiaka aiskasut Jisas mihtara mankaiaaba nitpalisa."— *Testimonies for the Church, vol. 5, p. 231.*

Kau aisikaikaia: *Testimonies for the Church, vol. 4, pp. 353–355; vol. 1, pp. 248, 249.*

Sandi

Sikla kati 10



Baibil aisikaikaia ba: 1 Kronika 3-5

1. SWAPNI YAKAN SIPAPIA

a. Dia dukia wal Jisas prakanka daukan, dia muni? Jan 15:1.

"Jisas, witin airaiakaba spirit lainkara prakanka daukan dus kumwal, kuku ar slim dusawal apia sakuna wain dusa tnawa palhsa lupiabawal. Kuku dusa, Slim an Kiaki pata naniba lika dus karna palisa. Nitapiasa upla mita tabaikbia. Sakuna wain dusaba lika upla helpka nitsa tnawa nani muhtara dus alhni dinkaia ban tasbakat driubia apia dukiara. Yawan uplaba bakusa nitsa Jisas helpka kan yakan lika diara sip apiasa. Jan 5:30 "— *The Desire of Ages, pp. 674, 675.*

b. Dia lisinka wala Jisas marikan wain dusawal prakanka dauki? Jan 15:1–3.

"Jû nani mita wain dusa kulkanka tara yabikan, prakanka daukikan Dawan karnikawal, painkira dus mâ sasakra kum baku. Israel nesankaba lika wain dusa pramis tasbaiara mankan wal prakanka daukikan. Jû nani bilakaikanka tara brikan swaki sakan laka bribia Israel kiamka baku. Jisas baha nubaku witin naku aisan: 'Yang sika wain dusa rait aihwaba. Lukia kaupara israel nesankabak swaki sakan laka brihiakauma, sakuna yang bak man lika sipyakawikama swaki sakan laka briaia. "— *Ibid., p. 675.*



2. MA SAKAIA DIA NITBA

- a. Kristian kum ai mâ sakaiaba dia pali witin nitsa? Jan 15:4.

"Wain tnawa nahki sinkiukara iwibawal Jisas prakanaka daukisa lalukrakum witinwal asla iwikaia. Wain sirpi lupia mahka urhwi takiba witin nitsa sinwainka kiukara ban iwikaia. Wain dusawina airaiaka brisa kan dusara laya baraba witin helpmunisa pawai. Sin bakusa saurakiraba Jisas ku baman sipsa ai raiaka brikaia, yakan lika diara sipapiasa. Jisas ra kasak lukisa pyuara baha aslika takisa. Saurakiraba witin yakan diara sipapiaba nutakiba mita Jisas ra plikisa, baku lika witinra karnika yabisa an sinslakasin brisa diara tara an tihura naniba aitanka briaia. Naha lika Spirit Holikira mita lalukra sinkara warktakis, klin daukisa, holi wapni an kasakka lakara brihwisa. Bara diara ailal kainara lihikikan dukia naniba nanara misbara kaikisa."—*The Desire of Ages*, p. 675.

- b. Uplakum airaiakara Jisas wal iuras kaka dia takbia? Jan 15:6.

"Upla wihki Jisas wal aslatakankana ban brikaia... minitkum dukia baman lika apia ar yukumra baman sin apia, apia kaka lait baku ami an daswiba bakusin apia. Dus tnawaba aslapali iwisa dusa winabawal, minit lupia kumirasin dakwitakras, baku lika dus wakia wina plun pisa takaskraskira. Wain tnawaba dusawina dakwi takbiasa kaka witin ban raiakabia apiasa. —Jisas wisata— raiaka yangwina brismaba ban brikaiasma minitkumirasin dakwi takaia apia. Kan yangkira apia waihl saura mapara sip aiklabras."— *Ibid.*, p. 676.

- c. Rait disaipilkumba nahki witin param marikisa? Jan 15:4; 8:31; 13:35.

"Yawan upla kumi bani selp wankupia lakaba mita Jisas wal asla takisa taiban lakawal lika apia sakuna Jisas latwanka lakaba tanka brinba mita. Spirit Holikira mita uplika raiakara paskanka raiakum daukisa, diara taski, wahra an kunin laka naniba sutwina prisakisa an waikna an mairin raiakum sa heven suliaraka baku. Setan karnika nanisutwina slihwi takan an misbara kaikisa kainara iwikiaba. Nanara aidaukankaba wednis pain kumsa heven karnika mita paskanka raia daukanba."— *Ibid.*, p. 678.

**3. JISAS RA BAN IWIKAIKA**

- a. Jisas wal pyu banira asla iwisa kaka wan raiaka aiskara dia takan kabia? Jan 15:5, 8.

"Duswakiaba mita blikisa dus tnawa an wahia nani pataba. Sin tnatkara Jisas mita kasak lalukra kumi banira spiritka pataba yabisa. Jisas wal aslasa pyuara dus tnawa ar wahiaba laubia apiasa an sriwi kauhbia sin apia....

"Jisas wankupira iwisa pyuara wan daukanka, wan aisanka, wan wapanka nanisutra sipkabia kaikaia."— *The Desire of Ages*, p. 676.

"Wan raiaka kumi bani nitkaba lika Jisas; ai ingnika, raiaka an aispiritkaba wal asla pali iwikaiaa pyua banira. Awar banira wan nitka brisa. Titanra wanpurasunaiasa yu ingnika mita tasba aiskaara ingni daukiba baku Jisas ingnikaba wan raiaka aiskara ingwan kabia dukiara, baku lika wan walka nani kaikan kabia Jisas yawanra iwiba tanka. Yawan sipapiasa minit kumirasin Dawan ingnikawina saitra kaia. Kan waihlha sauraba aihwakisa wan sauhkaia sin layan ingbiba baku. Lukan taski an saura naniba wan sinskara bribal dinkisa. Bamita minitkumirasin bahki kaia apiasa. Dawan bilaba stadi taki kaiaa an waihlha mapara surd malakum baku bapaia."— *My Life Today*, p. 15.

"Jisas ra kasak lukiba wan twisawal baman lika apia sakuna wan daukanka palira marikan kaiaa nahki wan raiaka Spirit mita satwala daukanba. Ao, selp wankarnika wal lika apia sakuna heven karnikawal. Jisas yawanra iwiba mita yu banira kau witinwal aitalia takan kabiasa. Lalukra kumi bani raiakara sipkabia param kaikaia Dawan karnikaba." — *Christ's Object Lessons*, p. 301.

- b. Jisas latwankara ban iwikaiaa kaka dia daukaiaa? Jan 15:9, 10; 1 Jan 2:5.

"Yawaniku Dawan wantsa param marikan kaia kasakka lakaba, aikupia pihniki an aidaukanka nanisut. Sakuna yakan warktakbia lika wanwiras, witin aikarnika an aisinska lakawal baman sipkabia holi an klintakaia." — *The Desire of Ages*, p. 677.

"Dawan mita yawan kumi banira prubwanmunisa aibila walbiasa sapa. An wan daukanka, wan iwanka, wan wapanka nanisutba kasakka laka an holi lakara paubiasa sapa. Wark yamni nani kristian baku yawan daukiba mita lika swaki wan sakras, sakuna param marikisa Jisas yawanra iwiba tanka." — *Christ's Object Lessons*, p. 283.



4. PRUAN, KLI BUKAIA DUKIARA

- a. Jisas nahki aisan ai bilabawal witinra kasak luki nani an witin paliwal asla daukiba dukiara? Jan 15:3, 7; 6:63.

"Jisas, witin ainina blablikra kumi bani raiakara iwisa aibila aisanbak. Baha tanka sika Baibilra ulbanba Jisas talia an wina piaia dukiara. Dawan aisanaka naniba raiaka brisa an spiritsa sin. Yawan baha brisuia pyuara wain dusa raiaka briba bakusa. Yawan raiasa 'Dawan bila aisanaka naniba mita'. Matyu 4:4. Jisas wan raiakara iwisa kaka sin witin dia daukikanba baku yawan daukan kabiasa. Kan yawan yakan apia Jisas spiritka wan tabrisa, karnika an sinslaka wankisa wark yamni nani daukaia Jisas wal kau talia takaia."— *The Desire of Ages*, p. 677.

- b. Aisas nahki Dawan bilara kasak lukiba mita wankupia saura kataba Spiriti Holikira mita chensmunisa. Hibru nani 4:12; Lawana nani 51:10.

"Dawan albika naniba aidaukankawal wednis painkira kum yaban kaiaasa, wan kaiki naniba sipkabia kler kaikaia."— *Testimonies for the Church*, vol. 1, p. 249.

"Baibilba lika Dawan wan solka aisiba yu banira...Spirit Holikira warkkaba lika wansinska tihmia takanbara yaka ingnitakaia, wankupia karnira selp wanwina kat baman kaikiba Jisas minara bal bawaia, baku swaki sakan laka bribia naha tasba saurka tilawina. Jisas aipurasuni naku Dawan Aisara makaban: 'Holi dauks man kasakkamra, kan man bilamba sika kasakka'. Dawan bilaba lika surd malakira kum bakusa wankupiaru taski nani baraba sut sauhki tikisa."— *Ibid.*, vol. 4, p. 441.

"Ani uplika airaiaka Spirit Holikira mihtara mankbia nanisutlika paskanka raiakum daukan kabia bara Jisas wal kli talia takan kabiasa."— *Christ's Object Lessons*, p. 96

"Bila holikiraba wal plun pi baku ainahwisa pyuara lalukra nani aidarawalisa rait aihwa Dawan bilaba spirit an raiakasa. Dawan bilaba Spirit Holikira mita yusmunisa wan raiaka almukra diara taski, watawi dukia naniba sut sauhki tikaia bara waikna an mairin raia wanpaskaia. Spirit Holikiraba wan maihsanihkisa yu banira aiklabanka yawan briba pyuara. An wankan nanara tanka yawan kler brisa Dawan bila kasakka naniba tanka, bakusin kainara diara lihikikan dukia naniba nanara misbara kaikisa, an kainara laik apiakan dukia naniba laik takisa."— *The Desire of Ages*, p. 391.



5. DAUHBAIA AR ANKAIA?

- a. Kristiankum ai mâ sakrasba Jisas mita ai raiakara dia daukan kabia mâ sakbia dukiara? Jan 15:2 .

"Wain tnawaba dusara painwal asla apiasa kaka, sipapia kabia ai mâ sakaia an kausin pawaia. Sin tnatkawal prakanka daukisa lalukra kum Jisas wal asla apiasa kaka witin spirit lainkara pawanka bribia apia an sipapia kabia ai mâ sakaia. Upla ailal barasa witin kasak lukisa wisi prias watlara bal dimi kristian takisa serts bukkara ainina ulbansa sakuna Jisas wal kakaira takras, Spirit Holikira mihtara aimakras bara aidaukanka aiwapanka almuk naniba chenstakras dia kainarakanba kat bansa." — *The Desire of Ages*, p. 676.

- b. Wain tnawakum kiukara iwiba Jisas dia daukbia witin helpkara? Jan 15:2.

" Jisas, lisinkum smalkan insla mamankra nahki dus tnawa dauhbiba ai mâ sakbia dukiara. Ao, baha lika dus kumra latwan yabisa ai tnawa klakiba pyuara, sakuna insla mamankraba witin nusa baku baman sipsa duskum ai mâ sakaiaba tnatka wala apusa. Baha ninkara kauban ai mâ sakras kaka lika diarawala apusa klaki dipastara lulkaia bara laubiataim pauta baku ankaia. Tani walara dus naniba nitsa yu laptika kan bahawina ai pata pisa. Yawan uplaba Jisas ingnika nitsa wan spiritkara pawan kabia dukiara. Dawan Spiritka Holikiraba wan aisisa wan maihsanihkisa, kli kli wanwisa wan daukanka almuk taski an wahra naniba swibia dukiara. Taibi lika wanmunras upla kumi bani aotakaiasa." — *Ibid.*, p. 677.



MAKABANKA LUAN NANI BA LAKI KAIKS

1. Nahki yang sipsna Jisas ra iwaia?
2. Nahki yang wilin kaiasna Dawan mita raiakira wapni mankbia?"
3. Wain kiuka tnawa dauhbibawal dia smalkanka daukisa?
4. Dia muni Jisas mita wain kiuka wal prakanka daukisa?
5. Kristian raiakara dia paliba nitsa mâ sakaia?

**WAN MUIHNI LATWANKA**

"WANKUPIARA BRIAIA: "Lâ rayakum maikisna man nanira, kumi walkamwal latwan kama; sin yang mita mai latwansnaba baku." Jan 13:34.

"Jisas spiritka wankupiara iwisa pyuara wan walkara latwan kaikisa. Sin Spiritka Jisas ra kanba mita wankbia wan uplika walara latwan kaikaia."— *The Desire of Ages*, p. 678.

Kau aisikaikaia: *Christ's Object Lessons*, pp. 376–389;

Sandi**Sikla kati 17**

Baibil aisikaikaia ba: 1 Kronika 24-26

1. LA RAYA

- a. Jisas latwanka wanmarikanba nahki patran painkirasa, an ai nina blablikra kumi bani bahawina dia lantakaiaasa? Jan 13:1; 15:13.

"Jisas latwan laka wan marikanba nahki tarasa an aitanisa! Disaipil nanisin kumi aiwalkara latwan kaikaikan. Nahana lika wednis painkira kum marikankaiasa kau kasak lukras nanira, bilakaikanka tara brikanba rait takan sturka. Disaipil nani sip aitanka briraskan taura sakuna Jisas pruanwina kli buan an hevenra uliwasataba kat ninkara aitanka aiskasut brihiakawan kata. Spirit Holikira mita sinslaka an karnika yaban diara tihura bara dukia naniba sut kasak tanka briaia, Jisas smalkanka nani kainara aitanka briras kataba nanara sut kler pali aitanka brihia kawan kata." *The Signs of the Times*, October 20, 1898.

- b. Spirit wankupiara iwisa pyuara dia mâ pas sakisa, an nahki sipsa kaikaia kau kasakka lakara wanbrihwiba? Galisan 5:22; 1 Jan 4:11–13; 3:18.

"Kristian rait kasak Jisas wal talia takanba selp aiwinakat baman kaikras sakuna aiuplika wala helpkara warktakisa." —*The Acts of the Apostles*, p. 551.



2. LA RAYA (Sin taka)

- a. Nahki tnatkara Jisas aisan muihni baku latwankaba “lâ rayakum baku”? Jan 13:34.

"Disaipil nani mita Lâ raya baku kaikikan, kan witin Jisas latwanka lakaba kau aiskasut aitanka brihiakauraskan. Ao, Jisas nukan disaipil nani umpira kau diara ailal nitba aitanka briaia, sakuna witin pruan wina bubiakat raitpali aitanka aiskasut brihiakawan kabia heven kingka laka tanka. Kumi wan walkara latwan kaikaia lakaba tanka tihuka aiska disaipil nani nutakann kata. Wanwina kat baman kaikaia apia sakuna wan uplika walara kau tara kulkanka yabaia. Awar bani Jisas tasbarakan pyuara, Dawan latwanka lakaba sipkan kaikaia Jisas aisanka an daukanka nanira. Aniupliika Spirit Holikira mihtara aimakansa kaka an Jisas wal iwisa kaka witin aidaukanka aiwapanka ai aisanka naniba sin baku kabiasa." — *The Desire of Ages*, pp. 677, 678

- b. Dia mita param wanmarikisa yawan Dawan luhpiaba an Jisasba wan panika? Roman 8:14; 1 Jan 3:10..

" Kristian raitba lika Jisas smalkankara iwisa; Dawan wina blising briaia dukiara baman lika apia, sakuna ailatwannka lakaba witin wina wankan. Jisas aismalkanka nanira param marikann ainina blablikra kumi banira, witinra aula naniba aikupia aiskawal latwan kaikan kaiasam bara wan daukanka nanira marikan kaiaa. Wan lukankara yamni briba wan warkka nani taka wandaukanka naniba satwala takisa. Spirit Holikira mita tabri ba Gad luhpia nanisa. Roman 8:14. Spirit Holikira winanka ya aidarawali pana ansa muni airaiaka aiska aimihtara mankan naniba lika Gad luhpia takansa." — *Thoughts From the Mount of Blessing*, pp. 149, 150.

"Jisas ra kasak lalukra kumi bani daukanka, wapanka an aisanka naniba sin Jisas diakanba baku kabiasa. Jisas ba wan patranka yawan kumi bani witinwina lantakaia airaiaka aiskaba lisin painkira kumsa bahawina yawan lantakaia, ninablikaia an bahara iwaia. Wan uplika walara latwan kaikaiaba lika param marikanka kumsa Jisas yawan iwiba tanka, wambilawal baman lika apia sakuna wan daukankawal marikan kaiaa." — *Testimonies for the Church*, vol. 3, pp. 58, 59.



3. TAIKILKA PAINKIRA KUM

- a. Dia taikilka painkira Jisas mita yaban ainina blablikra kumi banira, dia muni? Jan 15:15, 14.

"Jisas naku aisan: 'Man nani lika painika, yang aisanki nanira bili wali daukismasa kaka'. Jisas wal wan panika takaiaba lika witin makabisa bilawalaia."— *Testimonies for the Church*, vol. 4, p. 188.

"Dawan albika kumi bani pahpaiara kahbansa wark yabanba daukaia pyu kunhku wankan na pyuara. Warkka yabanba kasak daukisa kaka witin nanira Dawan mita naku wibia: Alba yamni warkkam naniba tanka param saki aiwis'. Warkba wihra kabiasin wankupia aiskawal daukiba Dawan wina blising tara wankan kabiasa. Jisas naku aisan: nanara wina taura wimna apia man naniba albiki, sakuna paniki, utlabila uplika suliarika kum baku. Dawan mita yamni kaikiba lika warktara daukanba takamita lika apia, ar diara uba ailal wentakanba mita sin apia, sakuna ani uplika aikupia aiskawal warktakanba diara sirpira kabiasin. Wan watla bilawina takrikan kaiasa diarasutba adarkat klin lakara wan luhpia naniwala warksirpi nani dauki."— *Ibid.*, vol. 2, pp. 510, 511.

- b. Dia mita Dawan wahbi wanbrin, an dia warkka kumi banira wankansa daukaia? Jan 15:16, 17..

"Jisas ailatwanka wanmarikanba lika tara palisa yapti latwankawal sin sip walprakras. Waihla sauraba mita wan raiakara insauhkan pruaiara kat baku, sakuna Jisas wan helpkara balan. Ban lulki wanswiraskan bilakaikanka apu baku. Heven aiwatla painkirara ensal nani sut mita witinra mayunra yabibara takaskraskan. Sakuna wan nitka tara briba dukiara naha tasbara baliwan upla tnatkara. Ao, setan mita Dawan wal wan waihla daukankan sakuna swaki wansakaia balan. Jisas witin dia patranka dauki wanmarikanba baku yawan kumi banira wanwisa yawansin kumi bani wan uplika walara latwan kaikbia. Jan 15:17; 13:34."— *Christ's Object Lessons*, pp. 381, 382.

"Yawan sipsa Jisas ra kasak lukisa wiaia, serts membarska kaia sakuna wan uplika walara latwan kaikras kaka wan kristianka lakaba bahkisa purataia baman helpkumisin apusa."— *Ibid.*, p. 383..



4. TASBA UPLIKA MITA RAUSAUHKAN

- a. Tasba uplika nani mita Jisas panikara dia munisa? Dia mita? Jan 15:18, 19.

"Rait aihwa wankupia aiska an wan karnika aiskawal Jisas wal aslatakisa pyuara Jisas latwanka lakaba tanka kasak brisa bara upla wala wan kaiki naniba sipapiasa wan mapara saura aisaia. Spirit Holikira mita paskanka raiakum wan daukisa heven suliarika baku, bara wan raiaka almuk wahra katabawina nanara klin, holi an kasakka lakara iwisa. Saurkara misbara kaikisa an diara kasakbara latwan kaikisa. Heven dukiara wan nakraba kaikisa tasbara lika apia.

"Serts bilara bahasat latwanka laka barasa kaka setan mita misbara kaiki tnatka plikbia nahki muni sauhki tikaia, sakuna Dawan aiuplika nani kankahbikabia ban lulki swibia apia." — *The Desire of Ages*, p. 678.

- b. Dia muni tasba uplika mita Jisas ra rausauhkan, an dia muni Jisas nina blablikra nanira sin rausauhkisa? Jan 3:19, 20; 15:20, 21.

"Diara raitba wihki kuninbawal asla takras, latwan laka wihki misbara lakawal asla apia. Jisas latwanka lakaba dukiara smalkisa pyuara setan an aisuliarka nani mita laik apia kaikisa bara tnatka plikisa wan mapara buwaia. Jisas nina blablikra kumi bani kler nukaiasa setan an aisuliarka aikuki wan mapara rausauhkaia laka bukaiba tanka. Ao, waihlaba tnatka ailal yusmunisa rausauhkan daukaia, sakuna sutba lika misbara lakaba mita nikbisa. Ken mita aimuihni Ebel ra ikanba misbara kaikanba mita." — *Thoughts From the Mount of Blessing*, p. 29.

"Dawan bila kasakka smalkankaba tasba uplika nani mita laik kaikras. Kan upla laiksa saurka lakara iwikaia. Sakuna tingki wisna ban baha tilak Spirit Holikira warttakisa wan maihsa nihkisa an wankan saurka laka taskikaba wantanka brisa. Dawan bila kasakka nina bliki uplikaba idan nani mita kulkanka yabras. Jisas raiakara sipsa kaikaia naha tasbarakan pyuara, jû uplika tara nani mita kulkraskan kauni misbara kaikikan plikikan nahki muni ikaia, an lasra dusra sabi ikan kata. Jisas naku aisan: 'Ya yang disaipilki takaia wantsa kaka dusprigni brih nini blikaia'. Wanwiras uplamita kulkanka wankbia dukiara. Ar aimihta pruki wibia naha nani sika Dawan suliarika nani, Apia.

"Ani uplika Jisas ra latwan kaikras kaka nina blablikra nanira sin latwan kaikbia apia. Jisas naku aisata: 'Painkam dukiara upla aisisa kaka aman kaiks'." — *Testimonies for the Church*, vol. 2, p. 491.



5. KRISTIAN NANIRA DAWAN LATWANBA

- a. Nahki apastel Pal marikisa kristian kasak latwanka wihki purataia bamanbawal? 1 Korint 13:1–8.

"Naha pramiskana lika pastaura kristianka nani bakusin yawan nanisin wandukiasa, yawan serts bilara lika samtaim smalkisa Spirit karnika briaia wisi sakuna purataia baman, rait aihwa wankupia wina lika apiam, srinwan lakaba an yapan tarakum bakura ban iwisa, bamita naha pramiska painkira briaia kataba briras. Nitpalisa yawan rawi buwaia an wark wankanba daukaia. Priaswatla nanira kau nitsa Spirit Holikira briaia pramiska painkiraba dukiara smalkaia, kasak lukaia an riditakaia briaia. Dawan wark wankanba yawan selp wan karnikawal daukbia wisi lika apia, Spirit Holikira mita karnika an sinslaka wankaia wilinsa an wan tabriaia warkba daukaia dukiara. Serts membars nani pain aitanka brisa prapit ulbanka naniba kau nitapiasa kauban baha dukiara smalkaia." — *Testimonies to Ministers*, p. 174.

- b. Jisas mita dia sat kristianka nanira yamni kaikisa an mayunisa. Param marikan 3:10–12, An dia pramiska painkira witin nanira yabansa?

"Hevenra wabia uplika nanisutra Dawan mita yaban kabia kwala pihni an holiba dimaia, baku lika heven getkabak sipkabia tawan holikirara dimaia an ailal purara ulbankabia Jisas ninaba. Wan lalra Jisas nina ulban tankaba lika hevenra wan uplika kumi bani aikarnika aiska an aisinska aiska Jisas mihtara mankan bara Spirit Holikira mita waikna an mairin raia paskan an heven suliarika kum baku daukan. Setan albika lakawina sut pritakan an saurkara misbara kaikan." — *The Youth's Instructor*, August 18, 1886.



MAKABANKA LUAN NANI BA LAKI KAIKS

1. Diasat heven latwanka Jisas wantsa yang raiakira paubia?
2. Dia mita yang raiakira sip heven latwankaba yaban pauras?
3. Dawan Lâ kara wan walkara latwan kaikaiaba nahki raya kaikisna?
4. Rausauhkanka lakaba dukiara nahki sibrin briaia apiasna?
5. Piladelpia pyua kristianka nani blising brinba dukiara aisas.



SPIRIT HOLIKIRA WARKKABA

"WANKUPIARA BRIAIA: "Witin balbia pyuara saurka diaba kler sakbia, bakusin kasakka laka an la daukaiaba sinbaku" Jan 16:8.

"Dawan bilabawal Spirit Holikira mita upla sinskara aisisa, an wankupiara ulbisa, bakusin diara wahraba kler marikisa an wan lukankawina kanbi sakisa Spirit Holikiraba Dawan bilawal asla warktakisa kasak lalukra naniba Jisas lamara bribalaia. "—*The Desire of Ages*, p. 671.

Kau aisikaikaia: *Testimonies for the Church*, vol. 8, pp. 14–23.

Sandi

Sikla kati 24



Baibil aisikaikaia ba: *2 Kronika 18-20*

1. RAU MAISWIMNA APIA

- a. Jisas mahka hevenra wabia ninkara disaipil nani purara dia trabilka balaiakan? *Jan 16:1–3.*

"Jisas nusa ai albika kasakkira nani purara dia trabilka baliba witin aibila tawan, kum kum nani silakrasa an kuntribilawina kanbi sakan. Baha nanira aimawan ingnikawal maihsanihkisa. Dawan bila tawan wala nani tasba wihtika nanira brihwisa kuninwal dusakuhbanka dauki, Jisas baha nani lamarasa. Ban yakan lulki swiras, baha albika nani purara pat baliba Jisas pali brisa. Silak watlara panis wahwi nanibara Jisas ailatwan marikisa."— *The Desire of Ages*, p. 669.

- b. Disaipil nanira dia pramiska yaban—nahki? *Jan 14:18; 15:26.*

"[Jisas] Pramis munansa Spirit Holikira presantka yabaia ai nina blablikra kumi banira. Baha purkara kau diara wala tara apusa. Presantka wala naniba sut aslasa witinkawal. Spirit Holikira mita ingniba wankisa an holi lakara iwaiabasin."— *My Life Today*, p. 36.-



2. MAIHSA NANIHKRA WARKKA

- a. Jisas mahka hevenra wabia ninkara nahki witin kauban aslakabia ai disaipil nani aikuki? Jan 16:7.

"Jisas hevenra wasata ninkara Spirit Holikiraba blikan balan, aimawan ingnika disaipil kumi bani kupiara iwi kabia. Kau aslakabia Jisas tasbarakanba purkara. Jisas mawan ingnika an latwanka bakusin karnika disaipil nani kumi bani raiakara sipkabia kaikan kaia." — *Steps to Christ*, p. 75.

- b. Spirit Holikira nahki wark tara daukan kabia upla saurakira nani helpkara? Jan 16:8–11.

"Spirit Holikiraba aiwarkka kumba lika saurakira nani kumi bani Jisas ra kasak luki aula naniba raiaka klin daukaia an kli raia paskaia. Jisas warktara dusprignira wan helpkara daukanba tanka aiskasut kler wan smalkaia tanka bribia dukiara. Dawan latwanka tihuka tankaba param yawanra wanmarikisa aibila holikira ulbanka nanibak sin lait ingnika kum baku.

"Saurka taskikaba wan marikan ninkara kasakka laka tanka tihuka wan smalkisa, tasba dukia bahki nanibawina wan sinskara yaban bankaia dukia an holi lakara wanbrihwisa. «Spirit Holikira mita diara raitbara maibrihwabia» (Jan 16:13), Jisas naku aisan. Waikna an mairin kumi bani wilinsa kaka Spirit Holikira mita paskanka raia daukbia diara almuk wahra an taski naniba sutwina klin dauki wapni kasak an holi lakara brihwan kabia an ai nakraba yaka heven dukia nanira tasba dukia naniba wina." — *The Acts of the Apostles*, pp. 52, 53.

- c. Dia warkka walasin Spirit Holikira daukan kabia tasbara iwi uplika nanisut dukiara? Jan 15:26.

"Uplakum Jisas ra kasak luki airaiaka aiska Spirit Holikira mihtara mankisa pyuara paskanka raia daukisa, nanara witinku warktakis wednis painkira kum baku Dawan latwanka lakaba marikisa kau kasak lukras nanira." — *The SDA Bible Commentary [E. G. White Comments]*, vol. 6, p. 1053.



3. JISAS WEDNISKA AISABIA

- a. Jisas wedniska Spirit Holikira aisabia ninkara ya walasin aisan kabia? Jan 15:27; 1 Jan 1:1–3. Nahki?

"Bisnis tara dauki waiknika kumba plikisa nahki aiwarkka tilabak Dawan ra mayunra yabaia. Rait pali Jisas wal kakaira takansa kaka anikat wabiaba param marikankabia airaiakara an aidaukanka nani sutra witin kristian kumba tanka. Truk aisawan papaskraba aiwarkka kasak daukisa bawikira lakakat. Uba uplara taibras sakuna tanka kat aiwarkka daukisa. Jisas mawan ingnikara witinraba mita plikisa nahki mayunra yaban kaia an wednis painkum kaia Jisas latwanka laka an karnikaba sin marikaia.

"Wan uplika walara latwan kaikibawal, wan watla bilara an wan warkka wala nanibasin daukan kaiasa 'Dawan dukiara baku'. Kolosi 3:23. Dawan latwanka lakaba wankupiara iwisa kaka kler marikan kabia wan raiaka aiskara."— *Steps to Christ*, pp. 82, 83.

- b. Prapit Joel ku dia pramiska painkira yaban Dawan mita aiuplika nani tnata pyuara iwikabia nanira? Joel 2:28, 29..

- c. Ahkia an nahki naha pramiska pat piskum aimakan? Sturka nani 2:1–7, 16–18..

"Jisas tasbawina mahka hevenra uliwan ba mita witinra kasak lalukra banira pramis yabaia wisata ba brinkabiasa. Kau wark takrikasra bila kaikaiakan pramiskaba briaia. Hevenra Jisas dimiwasata pyuara ensal nanisut an saurka dimras tasbaia uplika nani mita mayunra tara yaban kata. Jisas ra yamni balanka yabi danhtakan pyuara, Spirit Holikiraba baliwan tasbara disaipil nanira karnika tara yabaia. Jisas ra Dawan Aisa mita glorika tara yaban kata kau tasbara balraskan kainara nahkikanba purkara. Spirit Holikira blikanba tanka marikisa raitpali Jisas ba nanara heven an tasbawal Kingka aimakan. Naha kasakka laka tankana aiska brin uplikaba minitkumirasin ban namhpara lukaia apiasa, nahki sat trabil ailal tilara kabiasin karna bapi brikaia. kan Jisas ailamaraba aidara walisa."— *The Acts of the Apostles*, pp. 38, 39.



4. NAIWA WAN PYUARA

- a. Nahki yawan nusa, Joel 2:28–32 pramis kaba naiwadukia? Sturka nani 3:19.

" Naha pramiskana lika pastaura kristianka nani bakusin yawan nanisin wandukiasa, yawan serts bilara lika samtaim smalkisa Spirit karnika briaia wisi sakuna purataia baman, rait aihwa wankupia wina lika apiam, srinwan lakaba an yapan tarakum bakura ban iwisa, bamita naha pramiska painkira briaia kataba briras. Nitpalisa yawan rawi buwaia an wark wankanba daukaia. Priaswatla nanira kau nitsa Spirit Holikira briaia pramiska painkiraba dukiara smalkaia, kasak lukaia an riditakaia briaia. Dawan wark wankanba yawan selp wan karnikawal daukbia wisi lika apia, Spirit Holikira mita karnika an sinslaka wankaia wilinsa an wan tabriaia warkba daukaia dukiara. Serts membars nani pain aitanka brisa prapit ulbanka naniba kau nitapiasa kauban baha dukiara smalkaia. Nanara taim aimakansa rawi buwaia." — *Testimonies to Ministers*, p. 174.

"Serts bilara membars naniba aiminara bubiasa kaka warktara daukan kaia sipsa kan kumi bani tahbitakan pyuara pramis daukan Dawan warkka daukaia, sakuna setan mita kunin munan pasin an smasmalkra nanira baman kaikisa. Pasin nani mihtarasa serts membarska nanira landaukaia nahki tnatkara aiwatla bilawina an ai lamara iwi uplika nani aikuki Dawan warkka dauki takrikaiaba. Sakuna membars nani aihkikaba selp aiwarkkara bamansa Dawan warkkara aitaimeka mankras. Sol nanira latwan kaikras. Ban lukisa matawalsip mana an aipresantka nani mankibawal aitani pasin nani warktakbia. Jisas disaipilka nani aslatakanba kat Spirit Holikira presantka Dawan mita blikan kata." — *Testimonies for the Church*, vol. 8, p. 246.

- b. Naiwa dia paliba wansinskara brikaiaisa an baha dukiara Dawanra wanpura suni makabaia? Jan 16:12–14; Zakaraya 10:1.

" Spirit Holikira tahbi sakanka lakaba yawan nit nitsa kan wandara walras sa las pyuara iwiba tanka, kau tasba bisniskara wan nakra kaikisa. Spirit Holikira baman sipsa wan nakra ilingkaia saurka tanka bribia dukiara." — *Evangelism*, p. 369.

" Yawan inikira makabaiaisa Dawan mita wan raki bukbia naha yapanka taranawina. Spirit Holikira karnikawal tahbi wan sakbia, kristian kasak kaia purataia lika apia wark wankanba daukaia pasin nanira baman kaikaia apia, sol nani ailal tiwaiara auyabawina bribalaia Dawan swaki sakan lakara." — *Ibid.*, pp. 558, 559



5. RIDITAKAIA

- a. Nahki yawan riditakaia nitsa Spirit Holikira li tara auhi baku Dawan blikaibara? Oseas 6:1–3.

"Kaikri kristian manas barasa diara kumisin daukras yapi banhwisa riditakaia kata awarkara, des bilakaikisa Spirit Holikira apastel nani pyuara kataba baku Dawan blikbia pyuara rawibui warktakeaia, bahasat kristianka nani tasba dukiara baman kaikisa ai taimka ai karnika an aikukanka nanisin mankisa. Taim painkira briba swin bahkira man luwiwisa Heven dukiara diara kumisin daukras. Sarisna baku aisaia sakuna taim saura balbia pyuara witin nani yukwaia Pliska apukabia, kan taim pain brikan pyuara swin bahkira man luwiwan takaba mita, riditaki banhwaskan. Ani uplika aidaukanka ai aisanka aiwapanka nani Spirit Holikira mihtara mankrasba Dawan mita sip witin nanira hevenra brihwan kabia apia, las pyuara siknis saura matlalkahbi pura kum 7 Dawan mita kasak lukras nani purara blikbia pyuara, kristian purataia baman ainina brikan nanisin brinkabiasa. Baha pyukat alay wibia sakuna help apukabia sip swakwi takbia apia. Kau baha pyua saura balras kainara Dawan aikupia pihnika lakara wan kiama aubisa wandara walbia dukiara. Srinwan laka, yapan laka naniwina sut swisi nahka rawibui riditakbia. Nanara yawan kau taim kunhku pali brisa kaisa sinslakawal yus munankaia. Spirit Holikira warktakisa kumibani wan raiakara waikna an mairin raia wandaukaia, daknira ar pamalira lika apia. Ya hevenra waia riditaki naniba Spirit Holikira mihtara aimakan kaiasa waikna an mairin raia paskbia dukiara. Saurka taskika yuika kumisin airaiakara apukaiasa an Jisas wal aitalia takan kaiasa." —*Early Writings*, p. 71.



MAKABANKA LUAN NANI BA LAKI KAIKS

1. Dia Spirit Holikira yangra daukisa—an nahki kau diara tara daukaia wantsa?
2. Dia mita raiakira alki takaskisa Spirit Holikiraba briaia?
3. Diaba yang warkkisa serts bilara helpmunaia Spirit briaia dukiara?
4. Spirit Holikira nahki tasbara warktakiba dukiara aisas.
5. Prapit Joel aisanba dukiara sitnikawina aisas Joel 2:28–32.

Pas sabat kaliksanka

Skulwatla makaia helpka Mahoko, Ruanda kuntrikara

Ruanda kuntrika lika Afrika lalmika tanirasa, ai piarkika brisa Tanzania wal, wala Congo prilakara iwi kuntrika walaba Uganda an Burundi. Naha kuntrika bilara lahla aikal pawisa kapi warkka takamita an insla warkka satwala nanisin, sup paskiwarkka, li wina lait briba warkka, li batilra manki atkiba satka nanisin.


Upla aikal mita Ruandara wisa tasba kum il tausin briba. Ruanda gabamintka naha las pyuara upla bal kaiki naniba aikal bribalisa wan lakunka, awalka nani bal kaikbia dukiara. Mahoko tawanka lika lakun painkira brisa baha lamakat yawan wan skulka watla makaia trabil takisa. Nahara lika 13 milian pura upla nani iwisa, bila aisanka naniba lika: kinyarwanda (tawan uplika bila), bawina prentse bakusin ingles (gabamint uplika nani aisiba bila 20% bakusa) walaba lika suajili. Kiatalik sertska nara upla brisa 43.7% , kiatalik sertska mapara daknika naniba lika 11.8% baku narasa bahatilara Adventist sin dimisa. 2% naniba lika musulmán an serts wala nanisin.

Ao, yawan kaikisa naiwa pyua tasbara idan nani skulka tnatkaba mayara pali kahwansa bara nitka tara barasa wan tuktika an wahma, tiara naniba landaukaia yawan wan natkaba kat. « Rait aihwa skulkaba lika misaniry warkka daukaia landaukaia. Dawan luhpia sut waikna an mairin nanira winansa misaniry warkka daukaia. Wan uplika wala nanira helpmunaia dukiara». — *The Ministry of Healing*, p. 395.

Tasba gabamintka an bakusin skul wala naniba Dawan sibrinka smalkras kauni lika smalkanka wahra nani wan tuktika nani sinskara dinkisa. Diara walaba lika tililing (celular) wiba wal wan tuktika bakusin wahma an tiara nanira sauhkisa. Nahki yawan riditakbia misaniry warkka daukaia. Wan watla bilara wan luhpia nani kata idan skulka naniwina diara wala lantakiba pyuara? Tasba skulka aikal sabatra kulkras skul daukisa an tuktan nanira taibi munisa balaia.

Yawan lahla aitani apusa bara winanka daukisa wan muihni an wan lakrika nani tasba aiskara help wan munbia diara sirpi kumwal kupiam aiska presantkam wankma.

Kaliksankah wahbia pyuara dia sipsmaba liliakira manks Dawan warkkara tukbi taura brihwaia naha skulka watla makaia helpkara, bara heven blisingka manra maikan kabiasa.



Muihkam an lamkra nani Ruanda wina

DISAIPIL HELPKARA JISAS AIPURASUNAN

WANKUPIARA BRIAIA: "Witin nani dukiara makabisna; lukras nani dukiara lika apia; man mita aikramba. Man dukiamba yang dukisa, an sin param takrisa." *Jan 17:9,10.*

"Jan sapta 17 ra Jisas aipurasunanba lika lisin painkira kumsa, bahara wan marikisa heven tentka watla bilara nahki witin wan helpkara Dawan Aisa mawanra daukaikanba tanka."— *The SDA Bible Commentary [E. G. White Comments], vol. 5, p. 1145.*

Kau aisikaikaia: *Testimonies for the Church, vol. 5, pp. 737–746.*

Sandi**Sikla kati 31** Baibil aisikaikaia ba: *Esdras 3-5***1. JISAS LAS AIPURASUNANBA DISAIPIL AIKUKI**

- a. Jisas mita aidisaipilka nanira dia daukaiaba tanka sut wih dantakan ninkara dia las Jisas daukan? *Jan 17:1, 9.*

"[Jan 17:1–6] bara ulbansa Jisas las aipurasunanba aidisaipil nani dukiara. Kau getsemani kiadinkara waras kainara aipura sunan kata. Baha ninkara Jisas ra silakra brihwan." —*The SDA Bible Commentary [E. G. White Comments], vol. 5, p. 1145.*

- b. Dia Jisas param marikan aipurasunanka taura? *Jan 17:1, 2.*

"Jan sapta 17 ra kau kler wan marikisa Baibil aiskara Dawan Aisaba yâ, an nahki Jisas wal asla paliba tanka.

"Jan gaspelka ulbanka sturka sapta 17 bara diara tarapali wan smalkisa nahara taimkum taimwal ar kau taim ailalsin aisikaikaia nitpalisa wan tanka briaia." —*Testimonies for the Church, vol. 8, p. 80.*

2. JISASWAL KAKAIRA TAKAN WINA LANTAKIBA

- a. Bankaia raiaka briaia dukiara Jisas dia aisan? *Jan* 17:3.

"Jisas balanbawal wan marikan nahki Dawan Aisawal kakaira takaia, swaktakan nani kumi bani Dawan Aisa an Jisaswal kakaira takana kaiasa. Jisaswal kakaira takanba mita wan daukanka, wan iwanka nanisut satwala takan kabia, kau tasbarasa sakuna pat heven suliarika takansa. Tasba dukia kukanka naniba bahki bamansa pyu kunhku dukia baman." — *The Acts of the Apostles*, p. 475.

" Jisas naku aisan: ‘Dawan Aisa man nanira lamtwansa’. Wan kasakka lakaba Jisas ku Dawan Aisara brisa kaka walpara wilkan baku kabia wan lukra nanisutba, Jisas sika heven tentka watlara dimiwan priswihta baku wan tawan aisaia. Ao, naha tasbara pyu kunhkura trabil bribia sakuna ban drinh swapaia apiasa. Ban lulki wan swiras, trabil nani kau sipapiabara ban wan swiras witin awarka nusa bahawina wan sakaia. Kumi bani wan traika kaikan naniba witin nusa wan nakra laya nanibara wan maihsanihkisa. Pautak wankan luwisa wan raiakara taski nani baraba angki tikaia dukiara sakuna wan kasakka laka lika kau karna takan kabiasa. Jisas mawan ingnika wan lamakir kutbi briba wandara wali lantakan kaiasa. Tasbara nahkisat wanpurara trabil balbiasin isti luwi wisa sip bankapras, ba mita ban drinh swapaia apiasa trabil wantaibisa pyuara. Ao, minitkara lika trabil nani taka wan kupiara sari briaia sakuna bahasutba wan helpkarasa." — *Testimonies for the Church*, vol. 5, p. 742.

- b. Jisaswal kakaira takaiaba dia tanka? Bahawina dia yawan lantakisa? *Oseas* 6:3; *Jan* 17:3.

"Jisaswal kakaira takanba mita sipsa Dawan Aisawalsin kakaira takan kaia. Jisaswal kakaira takaia tankaba lika aibila holikira kasak luki an bahara iwikaia. Baku apiasa kaka diarawalasutba bahkimansa.

"Jisas tasbara balanbawal Dawan Aisa tanka kler uplara marikan. Ai latwanka, kupia pihnikira lakaba, aibila aisanka nani swin ban lurasba sut. Dawan lika aihka takras nahwala, naiwa an bankaiarasa. Jisas daukanka, aisanka nanibak kler marikisa Dawan Aisara. Nahki upla saurakirara latwan kaikan an wilinkan dusprignira pruaia swaki wansakaia dukiara. Padin wanki an heven suliarika wandaukaia." — *The Signs of the Times*, January 27, 1898.

"Jisas kakaira takaiaba lika latwan kaikaia." — *The Desire of Ages*, p. 22.

3. DAWAN AISA AN LUHPIARA MAYUNRA YABAN

- a. Jisas tasbara aiwarkka daukanba sutra nahki Dawan Aisara mayunra yabikan? *Jan 17:4.*

"Jisas tasbarakan pyuara wark tara an tukin nani daukikan banira aisikan Dawan Aisa latwanka an kupia pihnika taraba dukiara. Lisin nanisut Jisas mita smalkikanbara upla sinskara dinkikan, 'Bamna Gad tasbana ban latwan kaikan bara ailuhpia kumi brikataba blikan balan tasba swaki sakaia ya bani witinra kasak lukbia nanira an raia bankaia laka yabaia. Jisas brindaukikan yawan wantanka bribia Dawan Aisa latwanka tanka sin tasba aisika kum purkara latwankaba

"Jisas airaiaka palira ai aisanka an aidaukanka nanira wanmarikan Dawan Aisa latwanka taraba, baku param sakan setan kuninka laka upla sinskara dinkan kata nani. Jisas upla takan wantilara bal iwan heven latwanka an kupia pihnika laka wan marikaia ai aisankawal baman lika apia sakuna aidaukanka nanisutwal wan marikan bara nanara kau namhpara lukaia apia." — *Sons and Daughters of God, p. 139.*

- b. Jisas, aiwarkka tnata alkan pyuara dia makaban Dawan Aisara? *Jan 17:5.*

"Jisas aipurasunraskan upla baku tasbara balanba tanka kler sakaia dukiara. Kan witin hevenra patitara wina kau tasbara balras kainara upla baku apiakan. Dawan Aisara aipurasuni makaban patitara wina Dawan bakukan glorika dukiara. Jisas purasunraba lika upla helpkara Dawan Aisa mita aidisaipilka nanira marikbia kainawina witinwal aslananba tanka. Disaipil nanisika sip pain aitanka briraskan Jisas ba Dawan wal kumiba tanka" — *The Signs of the Times, May 10, 1899.*

"Naha tasba yawan iwina lika diara sirpi lupia kumisa tasba wala ailal nani Dawan paskan nanibawal prakbiasa kaka- Jisas ai smalkankara sip tiwan wal prakanka daukanba 99 sip naniba aiklarkara brisa sakuna kumi tiwan dukiara aisanba lika naha tasba yawan iwina dukiara aisan. Jisas, witin aitrunka hevenra swisi tasbara baliwan wan pliki swaki wansakaia dukiara. Klala yawan wan saurka mana briaiakanba witin brin, baku lika raia bankaia lakaba wankaia dukiara. Heven suliarika tilara kli wanbriaia luhpia baku, padin wanmuni, klin wandauki an paskanka raia waikna an mairin raia wandaukaia Spirit Holikira karnikawal wan sinska lukra nanibasut wapni an kasak wan daukaia." — *Christ's Object Lessons, pp. 190, 191.*



4. AIPLISKARA SWIAIA NANIRA RIDIDAUKAN

- a. Jisas disaipilka nani nahki Dawanra bilara kasak lukan? *Jan 7:17; 17:7*. Naiwa yawan wan warkkaba dia?

"Ya nani Dawan bila kasakkaba tanka briaia wantba an Dawan kupia lakara iwaia bawan lakawal, Spirit Holikira mita sinslaka an karnikasin yaban kabia diara tihura bara naniba aitanka briaia an airaiakara brih iwaia. Heven kingka lakaba lika uplara taibi munras ya tanka brindaukras nanira sain tara daukiwal yaka kasak lukbia apia. Sakuna ya uplika li diran dauki baku plikiba aibahwan kabiasa. Spirit Holikiraba wan maihsanihkisa kuna ani uplika brindaukras kaka kauban maihsanihki kabia apia; kumi bani wahbi briaiasa dia wantba. Dawan Kingka lakaba uplara taibi munras. Spirit Holikira mihtara aimakbiasa kaka sinslaka an karnika bribia bilawalaia apia wantapiasa kaka lika selp aipurara bankaia prurika patka bribalan kabia." — *Testimonies for the Church, vol. 3, pp. 427, 428.*

- b. Jisas mita Dawan Aisara dia win disaipil nani kasak lukiba dukiara? *Jan 17:8* Nahki naiwa yawansin ba tilarasa?

"[Jan ulbanka sapta 17:3,8] ra ulbansa wark yawan daukaiaba dukiara: bahalika Jisas pliskara tasbara warktakaia, sin Dawan Aisa pliskara Jisas warktakanba baku. Uplara yawan mita smalkaia dia yawan Jisaswina lantakan dukia naniba. Wahma blainkan rawanba Jisas minakat kahwi mayunan. Ainakra baman wina lika rauraskan sakuna nanara aisinska pain brikan. Jisas Mesaia baku tankaba aiska nutakan an ai Sasakrika baku brin. La daukaia pyuara iwisa bara bawikira wansaurka dahra sakaiasa." — *Christian Education, p. 157.*

- c. Ya nani pali dukiara Jisas aipurasuni makaban Dawan Aisara? *Jan 17:9, 20.*

"[Jisas upla helpkara aisisa] kau bawikira, umpira taiban laka muhtara banhwiba, traika kaikan ailal tilara panistakiba." — *Our High Calling, p. 49.*



5. DISAIPIL NANIK JISAS MAYUNRA BRIBA

- a. **Nahki Jisas mayunra brisa ai disaipilka nanik? Jan 17:10, 11.
Dia nitsa Dawan warkka daukaia?**

"Jisas brindaukisa hevenra kupia kumi, latwan lakara asla iwiba bakusin kabia naha tasbara, serts bilara membars nani lantakan kaiasa baku iwaia. Naku daukisa pyuara witinra yawan mayunra yabisa. An kau kasak lukras naniba kaikan kabia ingnika painkira tarakum. Tasbara Dawan ai sertska bapansa bahak aikupia pihnika laka tingkikaba an aikarnika tara briba kau kasak lukras nanira marikankabia dukiara. Jisas brindaukisa ai uplika naniba klin, holi an kasakka lakara iwikabia, witin warktara dusprignira daukanbara presantka painkira kum yabi baku". — *The Desire of Ages*, p. 680.

"Disaipil nani kupiara Jisas iwikanba mita witin nanira Spirit Holikira heven wina Dawan Aisa mita blikan balankan, ensal nani helpkasin kutbi brikan. Heven aiska helpkawal disaipil nani warktakanba taka mita karnika tarawal smalki banhwan kata, Jisas tasbara balanba Mesaia kum baku prapit nani ulbankabakat upla nanira smalkaia. Ao, waihla saura tnatka ailal plikan alki takaskaia sakuna sipapiakan. Disaipil nani asla lukanka kumi, heven wina karnika brikanbawal sibrin kumisin apu aitura wapi banhwikan; upla ailal witin nanira kaikikan pyuara sipapiakan mapara diara aisaia, baku Spirit Holikira mita sol ailal bribalikan heven suliarika tilara. Disaipil nani aslanan pyuara kau kau aitura impakikan. 'kati baku pranakira, yu ingnika baku, an soldyar nani karnika briba baku' Aiwananka 6:10". — *The Acts of the Apostles*, pp. 90, 91.



MAKABANKA LUAN NANI BA LAKI KAIKS

1. Jisaswal kakaira takaiaba nahki swaki sakan laka wankisa?
2. Nahki yang Jisas mihtara aimakaiaasna yus aimunbia ai warkkara?
3. Kau dia daukaia yang nitsna Dawanra mayunra aiskasut yabaia?
4. Nahkikan Jisas las aipura sunanba aidisaipilka nani aikuki?
5. Aisas aimapasra Jisas tasbara balanba sturka sitnika wina?

**DISAIPIL HELPKARA JISAS AIPURASUNAN 2**

WANKUPIARA BRIAIA: "Witin nanira yabri manra mai kakaira takaia, an kausin yabamna, baku lika lamtwanka witin nanira kabia, yangsin witin nanira." *Jan 17:26*.

"Heven tempelkara Jisas lika pris wihta baku ai uplika nani helpkara aisisa. Sip mainkakaira kasak baku ai tnawa distikara asla brisa, yukwaia Pliska karna an painkum baku. Las war ba bilakaikisa an takbia aiklabaia."— *The Desire of Ages*, p. 680.

Kau aisikaikaia: *The Sanctified Life*, pp. 61–69.

Sandi**Wis kati 7**Baibil aisikaikaia ba: *Nihimaya 9-10***1. JISASRA ASLA**

- a. Serts yamnika an pawanka tara bribia dukiara nahki Jisas kli kli aisi aipurasunan? *Jan 17:11, 21–23*.

"[Jisas] ai purasunan disaipil nani asla kabia dukiara. Dawan Aisa witinwal aslaba baku; nahasat aslika disaipil nani tilara kanba wednis karna an painkira kan kau kasak lukra nani nakrara, sip diara aisaia apukan."— *My Life Today*, p. 252.

Yawan Jisaswal asla takbiasa kaka, dia takbia lukisma? Wan daukanka nanisut satwala takbia wan uplika wala aikukisin asla takan kabiasa. Sipapiasa yawan Dawan wal baman asla takaia an sintaim wan walkara bahki kulki kaia. ". *Our High Calling*, p. 96.

- b. Nahki sipsa sertsba asla brikaia? *1 Jan 1:7*.

"Jisas wal yawan asla iwisa kaka wan walka aikukisin asla an kupia kumi lakara iwikaiasa, tarbaiwan laka apu, kum kau tara pulras alsut bakahnu warktaki kaiasa sol nani swaki sakaia Jisas talia mana dusprignira laikanba saurka albika lakawina priwansakaia dukiara." *Testimonies for the Church*, vol. 5, p. 47.



2. NAHA TASBAWINA APIA

- a. Jisas dia aisan disaipil an tasba uplika nani dukiara? *Jan 17:13, 14.* Diakan nina bliki rausauhkisa?

"Pas kristianka nani daukankaba lika rait aihwa baksakan baku kan. Aiwapanka, ai iwanka naniba wapni kasak saurkawal miks takraskan an aikasakka lakara karna buikan. Ao, ban upla ailal lika apiakana, lahlasin apukan, tasba dukia kukanka sin apukan, skul tara sin dimiakauraskan, sakuna waihla nani mita sia brikan. Baha mita misbara kaikikan sin Ken mita aimuihni Ebel ra misbara kaikikata ba baku. An laskat Ken mita Ebel rai kan, taura kristianka nanira misbara kaikikan nani mita disaipil nanira ikan kata. Disaipil nani daukanka wapni, kasak an holi lakara iwikanba idan nani mita laik apiakan. Kan witin nani aidaukankawal waraskanba mita. Baha pyuawina ban naiwakat sin bakusa." — *The Great Controversy, p. 46.*

- b. Dia mita Dawan aiuplika nani tasbara swinsa, dia warkka daukbia wantsa kumi bani? *Jan 17:15, 16.*

"Jisas, witin pali aipatrakawal wanmarikan ainina blablikra naniba tasbara kabia sakuna tasbawina lika kabia apiaba dukiara. Jisas tasbara balraskan idan nani aidulra mayunra dauki naniba tnatkara wataukaia. Sakuna tasba brinka, iwanka tnatka naniba sutwina dakwi takana kaia. Dawan Aisa kupia lakakat iwaia: tiwan naniba swaki sakaia. Baha lukanka kristian nani brisa kaka witin tasbara iwikabiasin saurkawal lika miks takbia apia, aidaukanka, aiwapanka ai iwanka nanisutra param marikan kabia heven suliarika kasak kum baku." — *The Acts of the Apostles, p. 467.*

"Naha tasbara kristian kasak rait aihwa naniba mawal bamansa; serts bilara nitsa kristian kasak naniba; kan witin nani aipurasunraba Dawan kiamakat uliwisa. Jisas naku wisata: 'Tasbawina sakma lika wiras, sakuna saurkawina kankahbibas'. Jisas nusa kau yawan tasbarasa, traika kaikan ailalku luwi wis. Wan kristian daukanka nanira nitsa kasak, holi an wapni lakara paw Jisaswal baku takaia, sakuna yakan wan karnikawal lika diara sip apiasa bamita Spirit Holikira karnika an sinskka laka yawan nitsa". — *Testimonies for the Church, vol. 5, p. 334.*



3. DAWAN BILA KARNIKA

- a. Dawan bila wan sinskara takaskisa pyuara diasat wandaukisa?
Jan 8:32; 17:17.

"Dawan bila kasakkaba wan sinskara takaskisa pyuara wan brinka almuk taski naniba sutwina wapnira wanbrihwisa.

"Dawan bila yawanra iwiba mita wan raiaka aiskara kasak, holi an wapni lakara wanbrihwan kaiasa. Kainara wan iwanka tnatka wahra, taski an kunin tilara iwikiwiba nanara lika klin, an kasak ka lakara iwikiwiba, uplasut wan kaikiba nutakbia Spirit Holikira mita upla raia wandaukanba dukiara. Upla mita wanmayunbia lika plikras. Jisas wan kupiara iwisa pyuara wan uplika walara latwan kaikisa an wilinsa ai helpkara warktakaia solkaba swaki sakaia dukiara. Sakuna aimayunra lika plikras. Witin aidukiara pain aisi nanira baman latwan kaikras, sakuna aimapara nanibasin dukiara aipura sunisa. Diara kumi mita ban yaban swapni takras ai takat ban wapisa. Tarapulanka laka apu airaiakara, bawikira umpira lakara iwisa, Jisas mawan ingnikara iwisa an wataukisa tihmiara an kaknara sinbaku." — *Christ's Object Lessons*, pp. 100, 101.

- b. Baibil dia aisisa Dawan bila dukiara? *Lawana nani 119:142.*

"Dawan bila Jisas wan smalkanba lika bilawalankara wanbrihwisa diarasut ulbankara bara naniba. Holi takaia laka lika Dawan bila naniba wansinskara takaskan kaiasa an bahara iwikiwiba, purataia baman wan nina kristian brikaia apiasa, sakuna wan daukanka, wan wapanka wan iwanka nanisutra marikan kaiasa bila wawalra kasakkum baku." — *Lift Him Up*, p. 152.

- c. Nahki Dawan bilaba mita holi wandaukisa? *Jan 17:19; 16:13.*

"Jisas aisi wisata: yang holi takrisa an brinkisa disaipilki nanibasin holi takan kabia. Upla baku tasbara balan wan tilara iwan an patran painkira kum dauki wanmarikan nahki bilawawalra kasak kum kaia. Saura kumisin daukraskan ai aisanka, daukanka, iwanka nanisutra klin, kasak, an holikan. Patran painkira dauki wanmarikan nahki yawan iwaiaba an waihla traika kaikanka nani mapara sipkaiaba puraluwaia." — *My Life Today*, p. 252.



4. LATWANKA TARA AN BANKAIA

- a. Nahki yawan nusa yawan sin wandukiara Jisas aipura sunan? *Jan 17:20.*

"Jisas nahki aidisaipilka nanira latwankanba, sin baku wantsa naiwa yawan kumi banira latwan wan kaikaia." — *Steps to Christ*, p. 75

"Jisas mita aitaliani atkiskan naniba gûl dukia manatara purkara kulkanka wankisa." — *Testimonies for the Church*, vol. 6, p. 309.

- b. Nahki yawan nusa Jisas purasunanka taka naiwa Spirit Holikira wan kan kahbisa? *Jan 14:16.*

"Dia sturka nani Jisas mita aidisaipilka nanira aisanba yawanra sindukia wanwisa. Maihsa nanihkra Spiritka pramiskaba yawan sin wandukiasa. Spirit Holikira mita sinslaka an karnika wankisa Dawan bila tihuka naniba tanka kler briaia, wan saurka taskikara misbara kaikaia an Dawan bila aisankara bilawali daukaia. Wanpurara trabil naniba skwal tarakum baku balisa pyuara ban drinh swapaia apiasa, baha minitkara wan nakra purara buki kaikaia." — *The Acts of the Apostles*, p. 51.

"Jisas mawan ingnikaba minit kumirasin yawan wina wihkara apiasa, kau traika kaikan naniba wihra wantaibisa pyuara witin kau wanlamarasa dia pramis daukanba baku an ban wanlulki swiras ban tiwaiarakat, witin nusa dia taim bahawina wansakaiaba. Bankra tasba uplika nani mita lika lulki wanswibia sakuna Jisas aitnawa distikara yukuki wanbrikabiasa." — *Testimonies for the Church*, vol. 4, p. 530.

- c. Disaipil nani helpkara Jisas dia makaban? *Jan 17:24.*

"Kau tasba paskraskan kainara Dawan Aisa an ai Luhpia Jisaswal aotakan bankra uplara setan mita puralubiasa kaka Jisas tasbara bal pruaia. Hevenra baha pramiskara kulkanka tara yabiba mita Adam an Ev wal saurkara kahwan pyuara sin minitkara pruraskan." — *The Desire of Ages*, p. 834.



5. AI NINABA KAKAIRA TAKAIA

- a. Jisas daukankak nahki Dawan Aisa tanka marikaia? *Jan 17:25, 26.*

"Jisas, witin aisan Dawan Aisa mita aipliskara tasbara blikan balan. Jisas daukanka, kasak, klin, holi an kupia pihnikira kanbawal param marikisa Dawan Aisa pali daukankaba. Dawan Aisara lika yawan upla sip kaikras sakuna Jisas daukankak witinwal kakaira takisa." — *Testimonies for the Church, vol. 5, p. 739.*

- b. Taim banira dia wansinskara ban brikaia? *Jirimaya 9:23, 24.*

"Selp tarapulanka lakaba lika kristian raiakara apusa.

"Dawan wanwiras selp wanmayunra plikbia dukiara, sakuna witinra baman mayunra yabaiaba aitanisa. Kan talent nanisutba Dawan mita wankisa aitinkika lakabawal Spirit Holikira wan sinskara klindaukisa an holi lakara wanbrihwisa, naha tanka yawan pain nusa kaka minitkumirasin aimayunra plikbia apia.

"Ani uplika Jisaswal kakaira takan an witinwal iwisa kaka minitkumirasin plikbia apia selp tarapulanka lakaba. Ailukanka nanisutra bawikira lakara iwisa. An Jisas warkka tara daukanbara lika kulkanka tara yabisa. Wan nakraba Jisas ra kaikisa pyuara wan daukanka nanisut witinwal baku takisa, heven dukia nanira latwan kaikisa an tasba dukia nanira bahki kulkisa.

"Jisas nahki warktara dauki swaki wansakanba kau kakaira takisa pyuara, wan raiakara saurka bara naniba kler takisa. Bara Jisas daukankawal prakbiasaka kaka wan nitkaba ailalpalisa witinwal baku takaia wan daukanka nanira." — *Sons and Daughters of God, p. 235.*



MAKABANKA LUAN NANI BA LAKI KAIKS

1. Dia daukaiasna asla wantilara iwikaia dukiara?
2. Jisas disaipil nani dukiara aipura sunanba nahki briaiasna?
3. Nahki Jisas nina tanka kau tihu briaiasna?
4. Naha tasba wina apia dukiara Jisas aisanba tanka kau aisas
5. Diara raitba tanka kau tihura aisas

JISAS LAKA DAUKANBA

"WANKUPIARA BRIAIA: Jisas mita Pita ra wisata: Isparkamba watlikara maks; Dawan Aisa aitani kaikan naha diara yangra aikan, briaia apiasna ki? *Jan 18: 11.*

"Awar kau sauraba Jisas purara balan, baha pyuara naha tasba nahki takaskaiba nutakbia."— *The Desire of Ages*, p. 690.

Kau aisikaikaia: *Early Writings*, pp. 165–168.

Sandi

Wis kati 14

 Baibil aisikaikaia ba: *Job 5-8*

1. AWARKUM TARA PALI

- a. Jisas, disaipil nani dukiara aipura sunan ninkara anira wan, dia muni? *Jan 18:1; Matyu 26:36.*

- b. Jisas mita disaipil nani yumhpara win aikulma blikbia, witin nanira dia makaban? Dia muni? *Mark 14:33, 34.*

"Setan wantkan saurkaba naha tasbara yaka ailal sahwaia, baha nani sutwina swakisakaia dukiara Jisas balaiaba sip apiakaia. Saurkaba mita Jisasra taibi lapaski tikaia ai wihrika taratakanba mita. Waihlha saurakiraba aman pali aihwakikan, Jisasra marikan nahki pitka upla Dawan mapara buanba, wihrika taraba mita yaka Jisas want apia kaia upla mawanra buikaia. Jisas brindaukraskan aidisaipilka nanipalikatsin aimawanrakabia baha minitkara witin tasba saurka wihrika twilkikan pyuara. Aipanika kau pain nanisin sipapia kaiakan aimawanra kaia. Jisas, witin tasba saurka twilkaikanba pyuara Dawan kupia baiwanka kapka tahplikaba diaiakan, pruaia klalka patka upla briaiaikan kata Jisas witin twilkanba mita."— *The SDA Bible Commentary [E. G. White Comments]*, vol. 5, pp. 1102, 1103.



2. JISAS SARI TAKANBA

- a. Dia pali dukiara Jisas Getsemanira pasaipura sunankata? *Mark 14:35, 36.*

"Baha minitkara daukankaba kainara katabawina satwalakan. Panistara witin aipurara balanba dukiara prapit Zakaraia naku aisan: 'Surd malikaba bukan pasinki mapara, baha waiknika painiki kataba, karnika sut briba Dawanka baku wisa'. Zakaraia 13:7. Upla pliskara aimakan an tras aibapaia kataba witin brin, nanara Jisas witin klalaba brin Dawan saurkara misbara kaikiba. Nanara aidarawalan diaba Dawan kasakka lakaba, kainara lika Jisas upla helpkara Dawan Aisa mawanra aisikan, sakuna witin pali aipurara patbalan pyuara brin daukikan aihelpkara aisasara kum.

"Jisas aidarawalan Dawan Aisawal asla kataba kriwan, sibrin takan upla baku witin sipapia kabia saurka tihmuka mapara aiklabaia. Twiura traika kaikan pyuara naha tasba aiska purara sipkan trabil balaia, Jisas kahwan sat kata. Sakuna tingki wisa Dawanra kan Jisas ra tabaikan puraluwaia. Bahaninkara setan riditakikan mani yumhpara las aiklabanka kau karna an taraba daukaia Jisas mapara. Setan kaikikan pulanka kum baku lustiwaia ar wentakaia. Lustiubiasa kaka aikingka laka karnika sutba Jisas brinkabia an witin aitaia kanbi sakan kabia aitrunka iwibawina. Sakuna setan mita Jisasra puralubiasa kaka lika naha tasbara iwiuplika sut setan mina muhtara kaikan bankaiara. Jisas kupiara wihra tara brikan witin wantapiakan baku bankra takbiasa kaka." — *The Desire of Ages*, pp. 686, 687.

- b. Jisas aipura sunisa balan pyuara disaipil nani dia daukikan? Nahki witin nanira kiama auban? *Mark 14:37, 38.*

"Jisas aipura sunikanbawina buan, swapan palikan ban tatatwikira balan disaipil nani barakanbakat. Sakuna disaipilka nani yapi banhwikan. Disaipil nani aipura sunikan sat kata Jisas bitar aidara walaiaikan. Disaipil nani Dawanra aiyukwaika watla plikan sat kata setan mita yaka taibaia apiakan. Karna kasak lukan laka brin satkata Jisas mita witin nanira wiaia apiakan: «Aiwaki puram suns». Taura disaipil nani wari manas takikan Jisas mawan satwala takanba kaikan pyuara. Kaikras kaka latwan tarakum bri baku pitka sakuna witin nani nuapiakan diamuni sapa. Baha pyuara disaipil nani mahka Jisas yakan swisisi waia lika lukraskan, sakuna nuapiakan dia pali daukaia sapa. Aihwaki an aipura sunaia nitka taraba tankasin briraskan, bara kauni lika yapi banhwikan." — *Ibid.*, p. 688.



3. JISAS SARI TAKANBA [sin taka]

- a. Dia dukiara Jisas aimawalra aipurasunan? Disaipil nani dia daukikan? *Matyu 26:42, 43*. Dia prapitka aimakan? *Aiseya 52:14*.

"Jisas lika waihla mapara karna aiklaban aikasakka lukan lakaba sin duskarna kum baku brikan, skwal tara nani ailal mapara ban bapi buikan. Upla lukanka saura nani aimapara aiklabikanbara sibrin briraskan. Heven wina balan Dawan luhpia baku aidaukanka aiwapanka nanisutra kasak an wapnikan. Sakuna nanara aiwarkka tnatar balan pyuara waihla saurawal las aiklabanka kau taraba briaikan. Ao, witin saurakumisin daukraskan sakuna upla saurka daukan klalkaba witin twilkaia awarka balankan. Disaipil nani kaikan Dawan Aisawal nahki Jisas aslananba ai aisanka nanisutba swapni an sibriras laka brikan. Nanara las aiklabankara setan aikarnika aiska Jisas mapara bukan. Dawan Aisa mita Jisas purara saurka klalka patka upla briaia kataba witin aipurara blikan." *The Desire of Ages*, pp. 689, 690.

- b. Nahki Jisas maihsanihkra brin baha awarkara? *Lucas 22:43*. Nahki Prapit Aiseya aisankan Jisas patka tara dukiara? *Aiseya 53:11*.

"Baha awarka karna palira, diarawal bamankan wentakaia ar lustiwaia. Dawan kupia baiwanka kapkaba Jisas aimihtara brikan diaia baman. Heven ba kwakan kata bara ingnika painkira kum ingwan skwal taraba tilara, heven ensalka karnakira kum Dawan Aisa mita blikan balan, naha ensalka sika Jisas aisubitakan pyuara balan kataba. Sakuna balraskan Jisas mihtawina Dawan kupia baiwanka kapka tahplaba sakaia sakuna wisata dibia, kan Dawan Aisa latwanka witin walsa minitkumirasin lulki swibia apia. Bakusin heven kwawan ba marikan sol nani ailal witin aipruanka taka swakwi takan kabiaba. An setan kingka lakaba mihta dakbi holikira nanira yaban kabiaba. Nahasut Jisas ra marikan pyuara witin ai spiritkara tabaikan an wilinkira wasata dusprignira pruaia, saurka albika lakawina tasba uplika nanisutra swaki sakaia ya ya witinra kasak lukbia naniba. — *Ibid.*, pp. 693, 694.



4. JISAS RA SILAKRA BRIHWAN

- a. Yâ tabrin Jisas wailhka nanira silakra mankaia? *Jan 18:2–5.*

- b. Jisasra alkaia balan uplika nanira dia takan, Jisas witin yâ ba aisan pyuara? *Jan 18:6.*

"Jisas ra alki silakra brihwaia balan pyuara baha kainara witin aimawan sarikataba satwala takan, aimawan kler praut apu aikupiasin baikras baltakan Judas mawanra. Disaipil nani sut taura witin baltaki naku makabi walan: [Yâ pliki banhwisma?]. Uplika nani ansa munan: 'Jisas Nazaret winaba'. Jisas pana kli ansa muni wisata: "Baha yang". Jisas aisan pyua minitkara ensal ailamarakanba Jisas mawanra buan. Jisas mawanba ingni takan, an butku kum baku distika witinra bikan. Baha minitkara waihlha nani sut balan kataba tasbara kahwi banhwan pruan baku. Kan ensal ingnikaba sip witin nani stanmunraskan.

"Bawina ensalka saitra takan bara ingnika kataba siahwi tiwan. Baha minitka Jisas chans brikan plapi swakwaia witin baku wantkan sat kata, sakuna baku daukraskan aiminara sapkira buikan. Disaipil nani naha tukinka tarana kaikan pyuara aihka ta iwi banhwan kata. — *The Desire of Ages*, p. 694.

- c. Judas taka uplika nani dia trabilka brin, Jisas diara daukras kantaim Pita dia daukan? *Jan 18:7–10; Luk 22:47–50.*

"Bahawina uplika nani kli aiminara bui banhwan an kaikan Judas nahki Jisas ra bal kiawalanba. Baminitkara bal Jisas mihtara priskan, mihta painkira upla kumirasin saura munras kataba, war yamni baman dauki tauki kataba.

"Disaipil nani lukikan Jisas diarakum daukbia swakwi takaia ban swika alki silakra brihwabia apia. Sin ensalka Jisas lamarakanba sipkan Jisas waihlha nanira yaka pruan baku kaia an chans yaka witin plapi swakwaia. Sakuna disaipil nani saura pali aidara walan Jisas diara daukras yaban witinra priskanba. Baha minitkara Pita kupia baiwankan bara ispara malakum witin brikanba sakan an baahawal Priswihta albika waikna kiama klaki dakban"— *Ibid.*, p. 696.



5. JISAS YAKAN PATBRIN

- a. Silakra alki brihwan nanira Jisas ailatwanka marikanba dukiara aisas? *Matyu 26:51-53; Luk 22:50, 51*. Dawan Aisa nahki kaikan?

"Disaipil nani liliapali takan Jisas wailhka nani pruan baku kahwan kaikan pyuara dus an sord nani aimihtara brilankanba wal. Bahawina kli buibanhwan an Jisas lamakir kutbibrin kata, Pita ai isparka brikanbawal priswihta albika kiama klaki dakban. Jisas mita Pita ra wisata isparkamba watlikara manks. Kau ban Jisas aisi Pita ra naku wisata: 'Nuapiasmaki yang sipsna Aisikira makabaia heven ensalka ailal blikbia naminit help aimunaia? Kaikri baha minitka hevenra ensal nani liliatakan. Wantkan witin nani Dawan Aisa mita adarkum yabia tasbara bal iwi Jisas ra helpmunaia, waihla nani mita rausauhkbia apia dukiara. Disaipil nani kupia baiwan kan kaikan Jisas banswin waihla nani mita priski silakra brihauia ba kaikan pyuara.

"Disaipil nani kaikan Jisas ra alki priski silakra brihwan pyuara sibrin pali taki banhwan kata witin nanirasin ikbiara sia. Setan suliar ka nani puraluanka tarakum brin baku aililia bri banhwikan. Heven ensalka nani lika ubapali sarikan Dawan Aisa ai luhpia Jisas helpkara diara kumisin daukraskan banswin waihla nani mita rausauhki ikaia patkara brihwanba kaikan pyuara. Ao, heven ensal ailal palira blikan balankan Jisas lamakir kutbi brikan pat mihtawinaa swaki sakaia lika apia sakuna nahki waihla nani mita Jisas ra rausauhkiba sut titikbi ulbi brikaia."— *Early Writings*, pp. 167, 168.

- b. Kristian bani dia lantakaiasa Jisas mita Pita ra wisataba winas? *Jan 18:11; 1 Jan 3:15*.



MAKABANKA LUAN NANI BA LAKI KAIKS

1. Jisas mita diasaipil nanira wisataba nahki yangsin nitsna?
2. Getsemanira Jisas sari ailal takanbawina dia lantakaiasna?
3. Nahki yang Pita baku sord twilkaia apiasna?
4. Dia dukiara pali Jisas sari takan kanba?
5. Upla kwara dia takan ensal ai ingnika marikan pyuara?

**SAIMAN PITA**

WANKUPIARA BRIAIA: "Jisas mita Pita ra wisata: Saiman, Saiman, setan makabisa plawar mâ baku maisikbaia; sakuna man dukiamra makabri, swapni takma apia dukiara; an kli kupiam laki buma taim muihkam nanira helpmuns." *Luk 22:31,32.*

"Pita, witin kahwanba lika selp uba sipkira pulanba takamita; sakuna ninkara bawikira aikupia lakan pyuara sipkan kli buwaia." — *Christ's Object Lessons, p. 155.*

Kau aisikaikaia: *Testimonies for the Church, vol. 5, pp. 331–336.*

Sandi**Wis kati 21**Baibil aisikaikaia ba: *Job 34-37***1. PITA DAUKANKA**

- a. Pita aima pas Jisas ra balan pyuara, Jisas mita dia wisata? *Jan 1:42.* Pita kau Jisas nina blikras kainara nahkikan aidaukankaba?

"Jisas ainakra [Pita] kat kaikan, ai raiaka an aidaukanka naniba aisikaikan. Pita diara isti daukaia laik kanba, sakuna kupia swapni an latwankira kanba, sakuna uba selp sipkira pulaia lihlikanba." — *The Desire of Ages, p. 139.*

"Pita, witin uba sipkirasa lukikan, sakuna aiswapnika nuapiakan; witin yakan diara sipapiaba tanka brinba pyuakat aidara walan Jisas helpka nitpalikanba tanka." — *Ibid., p. 382.*

- b. Ao, Pita aidaukanka saura brikan, sakuna nahki Jisas mita paiwan? *Matyu 4:18, 19.*

"Prapit Aiseya kaikan Dawan holika laka taraba an witin nahki taski ailal airaiakara baraba, bakat Dawan mita yus munan aibila kwakwahkra baku. Pita aiswapnika tara briba tanka nutakanba kat Dawan mita winankan aiwarkkara baldimaia." — *Ibid., p. 246.*



2. BILAKAIKANKA PRAMISKA KAU TARA

- a. Dia daukankawal wan marikisa Pita kahwaia sipkanba yawan baku. Spirit brin ninkarasin? *Galisan 2:11-14*

"[Pita] ra kristian ailal mita kulkanka tara yabikan gentail nani aikupia laki kristian takan nanira tankira aisikanba takamita. Dawan Spiritka mita ainakra kwakan, bara kainara gentail nanira taski kulki kataba nanara aipanika takan kata. Sakuna Jerusalem wina jû nani daknikum bali banhwan naha nani lika Moses lakara kulkankan tara yabikan baha pyuara Pita aidaukanka chenstakan gentail naniwal. Jû nani ailal Pita aikuki aisikan sakuna gentail nani aikupia laki kristian takan nanira kau mayara kulkikan. Bernabe sin naha jû ka nani tilara dimankan. Taura gentail nani mita Pita an Bernabe walra kulkanka tara yabikan sakuna naha diara takan gentail kristianka nani aikupia uba wihra tarabrin.". *The Acts of the Apostles, p. 198.*

- b. Pita kahwanka an kli buankabawina yawan dia lisinka lantakisa? *Lawana nani 145:14.*

"Pita aidarawalan aimistikka taraba, kau taim tikras witin sin minitkara istipali dia sipba dauki traikaikan kli wapnira mankaia gentail wina tawan uplika nani aikuki. Dawan witin diara ta an tnata kaikiba swin apastel Pita ai swapnikaba nutakbia dukiara, baku lika selp aimayunra plikbia apiaa dukiara. Ao, waikna kau sinskira kabiasin yakan traikaikbiasa kaka witin nani sipa ai swapnikara kahwaia. Jisas pat kaikan kan kiatalik sertska nani mita Pita nina yusmuni kunin lakawal Dawan warkkara sauhkaikan kabiaba. Sakuna naha diara takanbawal marikisa apastel Pita sipkanba mistik takaia yawan kumi bani baku, an witinba apastel wala nanisut purkara kau tara apiakanba tanka.

"Naha sturka nahki Pita mistik takanbawal serts bilara ta uplika nanira kupia kraukanka tarakum daukisa, amanpali kaikaia nahki yawan diara kasakba swisi upla daukanka tnatka nanira nina blikaia. Serts bilara ta uplika naniba airaiaa paliwal wednis painkum kaiaia Jisas witin nanira iwiba, minit kumirasin selp yakan traikaia apia ailukanka ar upla iwanka tnatka nani nina blikaia. Ta uplika nani mistik takisa pyuara serts bilara kahwanka tarapali kaikisa, baha sutba waihlâ sauraba mita upla sinskira dinkisa." – *Ibid., pp. 198, 199.*



3. PITA LIKA SERTS PLAMAIIKA APIA

- a. Serts plamaika dukiara Jisas dia aisan? *Matyu 16:16-19.*

"Spirit Holikira mita yaban Pita aisanba lika diara rait palisa. Jisas ba bankaia Gad ka luhpia aisanba. Jisas pali aisi naku wisata: 'Dawan wal kakaira takaiaba lika bankaia raiaka bapanka karna kumsa. Pita selp aisinska lakawal naha diarana aisaraskana. Yawan upla baku sip yakan wan sinska laka nahki skul tara diman kabiasin sip apiasa Daawan tanka tihuka briaia.

"Pita nina tankaba lika walpa sirpikum, sipsa nikbaia. Sakuna walpa tara sip nikbras lika Jisas, bahara Dawan ai sertskaba bapan. Pita ra lika setan mita kunin munan an yaban kunin bila aisan an swersut takan. Dawan sertskaba lika walpa tarara bapan sip setan mita nikbaia karnika apusa." —*The Desire of Ages*, pp. 412, 413.

- b. Apastel Pita, Pal an prapit Aiseya dia aisan serts plamaika dukiara? *Aiseya 28:16; 1 Korint 3:11; 1 Pita 2:3-6.*

"Jisas, witin pura lalura kum baku ai sertskaba bapan heven ensalka nanisut nakraba bahara kaikisa, an setan suliarika nanisin kaikisa. Jisas ai sertskaba walpa karna tara sip nikbrasba purara bapan naha lika patran kum bakusa witin selp aiwina tara dusprignira pat tara wahwi pruanba upla swaki sakaia dukiara.

"Mani nani tausin baman matlalkahbi 6000 kasakka lakaba Jisas ra bapansa. Ao, setan mita skwal tara baku, lisamra sin bukan walpa taraba sauhki tikaia dukiara, sakuna naiwakat ban diabakat bansa.

"Spirit Holikira mita yaban Pita ra sinslaka yaban bara aisanba lika sturi tara an kasak an painkira palisa, Jisas mita respek yaban kristian nanisut witinra kasak lukbia naniba ta uplika baku an naku wisata: 'Heven watla kî kaba maikamna bara dia tasbara wilkmaba hevenra sin wilkan kabia, bakusin dia lanhmaba hevenrasin lanhkan kabia.

"Heven kî ka dukiara aisiba lika diara wala apia, «Dawan aisanka bila naniba». Dawan dia aisanka bila nanibasut karnika brisa heven durka kwakaia an prakaiasin." —*The Desire of Ages*, p. 413.



4. PITA KAHWANWINA KLI BUKANBA

- a. Pita daukanka kau saurakanba dukiara aisas. *Mark 14:27-29*.

"Parisi an publikan wal parabelka Jisas aisanbara sipisa lisin painkira kum lantakaia apastel Pita raiaka palira. Pas taura Pita witin uba sipkira pulikan. Parisi lukankaba baku, witin lika uba pain upla wala naniwal baku apia, wark yamni nani daukisa ban ban. Pita, witin nuapiakan dia trabilka aipurara balaikanba. Uba selp aiwinara tarapulikanba mita tiwaiara briaiuiakan. Witin lukan sipisa traika kaikanka nani mapara bapi buwaia." — *Christ's Object Lessons*, p. 152.

- b. Naha disaipilka uba sipkirawal nahki Jisas aisan? *Luk 22:31, 32*.

"Lalma kahbira galila wainhka aiwanankat Pita kupia tanh krawan Jisas kaina manas naku takbia dukiara witinra aisankanba. Siran iwan an sarisin takan witin nasat kunin aisiwal swertaki wisata Jisas ra kakaira apia, bara ainakra tawi Jisas ra kaikan. Sin baha minitkara Jisas mita Pitara kaikan, Pita aiswapnika tanka namika brin, Jisas la ka daukikan pliskawina latara takiwan an sarikira aikupia muhtawina tara inan. Jisas nakra witinra kaikanbawal aikupia kriwan. Pita aikupia lakan aisaurka tara daukanbawina, sin publican waikna baku.

"Nanara Pita witin kainara selp uba sipkirasa lukikataba ai mistikka aidara walan kata." — *Christ's Object Lessons*, pp. 152–154.

- c. Jisas pruanwina buan ninkara Pita ra dia makabi walan? *Jan 21:15-17*. Diamuni aima yumhpa makabiwalan, Pita dia ansamunan? *Luk 22:31, 32*

"[Pita] mita Jisas ra swira daukan, ba taka disaipil wala nani mita witinra kasak lukraskan an kausin disaipil nani tilara balbia want apia banhwikan, Pita witin palisin baku lukikan uba aisaurkaba tara daukanba taka mita. Ba mita Dawan karnikaba sip bamanra, Dawan wal asla warktakra baha taka sip pawanka briras aikasakka lakara. Pita kli disaipil nani tilara dimaiaba lika nitkan witin marikaia rait aihwa aikupia lakanba an disaipil sut mawanra padin takaia. Jisas mita chanscum yaban Pita sipkabia kli baldimaia, an ai saurka tara daukanba param saki padin takaia." — *The Desire of Ages*, p. 811.



5. DAWAN AIWARKKARA BRIN

- a. Jisas nina blablikra daukanka nitpaliba dukiara aisas? *Kolosi 1:10, 11; 3:12-14*. Jisas mita Pita ra aisanbawina dia yawan lantakisa?

"Gospel sturka yamniba lika saurkawal asla apiasa. Saurka dauki muni sip iskius mankras. Yukwanra saurka daukan naniba sut param dahra saki an padin makabaiasa. Kristian kum saura daukisa pyuara Jisas ra swira paskisa, an setan lilia takisa. Sakuna istipali wankupia laki padin makabaiasa. Naku takbia apia dukiara kristian baniba nitsa aihwaki an aipura sunikaia."— *The Desire of Ages*, p. 811.

"Jisas nahki Pita ra aisanba lika lisin painkira kumkan Pita an disaipil wala nanirasin baku. Nahara marikan nahki bawan lakawal an wihka bilakaikan brikaia nitpaliba, saurkara kahwan uplikara lulki swiaia apia sakuna latwan lakawal helpmunaia kli bahawina bukaia. Ao, Pita mita Jisas ra kaikras win sakuna Jisas pana witinra latwan kaikikan. Naha sin latwankawal Jisas mita Pita ra padin munanba, witin mita tawi sip lupia nanira padin munaiakan.

"Jisas mita Pita ra makabi walanba lika tihu palisa. Kau Dawan warkkara dimras kainara Jisas mita makabiwalan: 'Ailatwansma ki' nahana diara tarakumsa pasin nanisut lantakan kaiasa. Pita witin sibriraskan, sturi aisaia sin lihkikan, Jisas ra kasak lukikan ban ban. Sakuna kau tara nitkanba Dawan ra latwan kaia. Naiwa sin baku pasin, smasmalkra an membars nanisut diaratarakum nitba lika Jisas ra latwan kaikaia. Airaiaka aiskasut yabaia."— *Ibid.*, p. 815.



MAKABANKA LUAN NANI BA LAKI KAIKS

1. Nahki yang Pita baku daukanki nani sauraba swiaiasna?
2. Pita daukanka saura kataba baku nahki puraluwaia nitsna?
3. Pita kahwan an kli bukanba wina dia lantakaia nitsna?
4. Jisas pruanwina buan ninkara dia muni Pita ra makabiwalan?
5. Jisas ai sertska plamaika bapanba dukiara sitnikawina aisas

Pas Sabat **Kaliksaan ka**



Pastara katka 5
Arue tawanka Tahiti
kuntrikara
Priaswatla makaia

Wahia 4 ra kaiks



Sikla kati 2
Skul warkka tabriba apis
tarara

Wahia 25 ra kaiks



Wis kati 6
Skulwatla makaia helpka
Mahoko, Ruanda
kuntrikara

Wahia 51 ra kaiks